

AWE
Mainta

Mei 28, 2018

www.awemainta.com

www.facebook.com/awemainta

noticia@awemainta.com

583-1400

Gobierno ta mira esaki cu masha preocupacion

Prijs mundial di crudo ta aumenta

Lo tin di dos buelta presidencial na Colombia: Ivan Duque y Gustavo Prieto ta keda den e contienda presidencial



Intencion di voto di e Colombianonan na Aruba tabata hopi mas halto compara cu esun di eleccion di siman pasa na Venezuela

Experience the difference

- Alarm Installation
- Camera Installation
- Online viewing
- Monitoring Service
- Guard Service
- Patrol Service

Your protection partner since 1996

INVEST SECURE N.V.

Phone: (297) 582-7252
E-mail: insec@setarnet.aw
f: [@investsecurearuba](https://www.facebook.com/investsecurearuba)

We don't just say it... We Guarantee it!

= exact

Solutions for Finance, Manufacturing, Wholesale Distribution, Professional Services, HRM, CRM and BPM

Business Processes
Marketing, Sales and Service
Logistics & Supply Chain Management
Reporting & Compliance
Planning & Production
Finance & Accounting
Project Management

Supporting all your business activities

Our goal is to understand and anticipate your business requirements. It means that everything we do is geared towards equipping you with solutions that will help you succeed as markets evolve

VCC
International NV

Exact. And it all comes together. Tel: 583-7072 | info@vcc.int.com | www.vcc-int.com

Pa yuda gana confianza di Hulanda

Prome Minister Evelyn Wever Croes a biaha pa Hulanda

Tabata ayera, cu Prome Minister Evelyn Wever Croes a biaha pa Hulanda. Esaki ta su prome bishita oficial pa Hulanda despues di asumi su responsabilidad como Prome Minister. E.o. e lo reuni cu Rey Willem Alexander, e lo tin un reunion cu su colega Mark Rutte y cu otro mandatario mas. Su meta ta, pa re-establece confianza bek entre Hulanda y Aruba, cu a dañá masha hopi debi n'e actitud di ex Prome Minister Mike Eman.

Evelyn Wever Croes lo reuni tambe cu Minister di Relacion Exterior, Stef Blok hunto cu e Secretario di Estado pa Asuntonan di Reino, Raymond Knops. E lo topa tambe cu Piet Hein Donner, Vice Presidente di Raad van State. E topiconan di discusion ta e.o. e situacion financiero di Aruba, pero tambe e future relacion cu Venezuela. Lo discuti sigur riba e importacion di fruta, berdura y pisca, cu te awe Aruba no ta hayando, siendo na Corsou si.

Mescos cu el a haci Costa Rica, lo e lansa e plataforma p'e hoben profesionalnan, kendenan no tin n' mucho interes pa bolbe nan isla natal, despues di termina nan studio, pero Aruba mester di su profesionalnan.

Prome Minister Wever Croes lo atende un invitacion di Genootschap Nederland-Aruba, unda e mandatario lo duna un conferencia di prensa n'e centro di prensa na Nieuwspoort. E mandatario lo papia riba con e lo atende cu e cantidad di retonan cu Aruba tin. E.o. Hulanda kier sa opinion di e mandatario riba e crisis na Venezuela, ki efecto esaki lo tin pa cu e refineria di Citgo.

E solo hecho cu Hulanda no a reconoce eleccion di Nicolas Maduro como Presidente di Venezuela, por tin consecuencia pa cu rehabilitacion di e refineria. Mas ainda cu Merca a anuncia di aumenta e sancionnan economico contra di Venezuela, den cual ta inclui PDVSA y consecuentemente e refineria di Aruba tambe lo sinti e efectonan aki.



Prome Minister Evelyn Wever Croes lo keda un siman Hulanda, sperando di bin bek cu noticia positivo.

E siman aki

Parlamentarionan lo topa den un otro reunion di IPKO

PARLAMENTO di Aruba, Corsou, St. Maarten lo topa cu nan colega di Hulanda e siman aki den un otro reunion Inter Parlementair Koninkrijksoverleg (IPKO). E encuentro aki ta tuma lugar na Den Haag, unda e diferente comisionnan lo discuti e diferente temanan cu tin pendiente.

Asina ta pendiente, e Areglo di Conflicto, cu ta data for di masha tempo sin solucion, lo discuti tambe e desaroyo duradero y e situacion politico na Venezuela.

Reunion di IPKO ta for di dia 29 di mei te cu dia 1 di juni awor. E apertura mes ta mañan durante un reunion plenario den sala di reunion di Eerste Kamer. E lo wordo habri pa Presidente di Eerste Kamer, sra. Ankie Broekers-Knol. Despues di esaki, lo habri discusionnan riba ultim desaroyonan.

Pa loke t'e situacion na Venezuela, lo ta riba agenda diarazon, unda Hulanda kier sa ki consecuencia esaki por tin pa Caribe Hulandes.

Diahuebs lo haci varios bishita di trabao e.o. na Universidad di Wageningen pa ta testigo con nan ta atende cu procesamiento di sushi. Pa diabiernes lo ta final di e reunion di IPKO, unda lo clausura esaki cu un conferencia di prensa.

Gobierno ta mira esaki cu masha preocupacion

Prijs mundial di crudo ta aumenta

SIGUIENDO e desaroyo di prijs di crudo internacionalmente, nos por nota un subida constante den e prome parti di aña 2018.

Esaki lo tin su efecto riba nos tambe, pasobra e por tin su efecto riba prijs di gasolin. Subida di prijs di crudo por tin efecto riba prijs di gasolin debi n'e desaroyo internacional y con esaki ta wordo calcula.

Tur pais na mundo ta mirando e desaroyo aki cu hopi preocupacion. Gobierno di Aruba tambe ta alerta p'e desaroyo aki p'e no tin un impacto demasiado grandi na Aruba.

Pa varios aña caba e forma pa calcula prijs di gasolin na Aruba ta mescos y bou encargo di Departamento di Asunto Economico cu ta calcula esaki basa riba e prijs di crudo di e luna anterior. Den e raport 'Economic Outlook 2018' di Banco Central ta indica cu prijsnan di crudo internacionalmente ta subiendo. Segun fuentenan internacional, prijs di crudo pa liter a subi luna pasa y te hasta n'e nivel di mas halto den 3 aña. E crisis na Venezuela tambe

indudablemente ta afecta e prijs di gasoline internacionalmente.

E fluctuacionnan aki sinembargo, segun West Texas Intermediate Crude Oil Prices' (WTI), lo ta temporario.

Si e prijs di crudo sigui subi, Aruba lo mester adapta n'e prijs, mientras e prijs

di crudo ta subi internacionalmente pasobra asina esaki ta wordo calcula na Aruba.

Gobierno di e forma aki, kier adverti pueblo, cu mucho no por ser haci, si mañan mester aumenta prijs di awa y coriente.

West Texas Intermediate crude oil prices from 2014 to 2019 (in U.S. dollars per barrel)



Husticia ta comete inhusticia?

Huristanan ta cuestiona: OM a hasi maluso di poder den caso IBIS?

Despues di a sigui e caso (Regie-Zitting) den Corte nos por a compronde cu Paul Croes a keda 80 dia den restriccion isola (beperking), despues cu Fiscal a bisa Huez Comisario cu e lo dura maximo 2 siman como cu ta trata di un medida hopi pisa, esta su beperking.

Dor di horcan Irma supuestamente personal di OM mester a bay Sint Maarten, Paul Croes mester a keda 2 siman mas. Finalmente el a keda 80 dia preso bou restriccion. Sera 22 ora pa dia y cu solamente 2 ora diario pa mira solo merdia. Sin contacto cu famia, yiunan of cualkier bishita.

Esaki tabata un di e puntonan cu Paul Croes a cuestiona Ministerio Publico siman pasa fuertemente. E medida (beperking) ta uno usa pa criminalnan grandi y casonan cu cargonan pisa.

Ademas Paul Croes a bisa den un forma firme y disgusta cu Procurador General, mr. Alexandere van Dam a yame den prensa pa "de Grote Vis" y a bisa cu ta un investigacion

hopi grandi di mas di 2000 ontheffing, Ta 900 compania y awor dilanti Huez bo ta presenta un caso pa poco caha (aparentemente 11) di cerbez (pa evento politico) y 13 compania cu a haci donacion n'e fundacion politico di Paul Croes na un forma transparente.

Banda di esaki Paul Croes a cuestiona e hecho cu e anochi prome cu e mester a presenta dilanti Huez Comisario pa atende cu e extension di su detencion, pa 9:30 di anochi el a ricibi di su abogado 1000 pagina pa studia den scuridad p'asina e defende su mes e siguiente mainta pa 9:00 am. Algo siguramente inhusto y OM a disculpa bisando cu e printer lo a daña.

Esaki ta hechonan cu por a destila despues di e 'Regie-Zitting' cu a tuma lugar e siman tras di lomba. Analisando e puntonan aki, ta pone un gran cuestionario tras di e forma di trata di Ministerio Publico.

Consecuencia serio di fayó mecanico di barco ta cu e.o.

Un 10 pa 15 container cu fruta y berdura a bay perdi

DIA 15 di mei ultimo pueblo a wordo informa di un problema cu un di e barconan den uso di e compania “King Ocean” rumbo pa entre otro Aruba. E barco concerni a haña problema mecanico y consecuentemente a desvia pa Jamaica caminda e barco aki a wordo repara.

E problema cu esaki a causa pa Aruba tabata grandi, causando cu basta producto y, mas importante, fruta y berdura no tabata disponibel na Aruba mas.

Den fin di siman, nos a bishita algun supermercado grandi, cu a bisa cu maske cu e daño causa pa King Ocean ta cubri pa seguro, pero nan no tin nada fresco pa bende. Un 10 pa 15 container a bay perdi. Kier men cu tur loke tabatin pa bende ultimo dianan, no ta fresco mas. E perdida lo keda cubri pa compania di seguro.

Ta manera ATIA a reitera cu nan tambe ta wak e urgencia di e situacion y nan lo haci nan maximo esfuerzo p’e containernan yega Aruba via di otro medio di transporte y no por keda depende riba un solo barco so..

ATIA a bin ta teme un situacion asina aki pa algun tempo caba, caminda Aruba ta depende pa mayoria di comestible riba un liña di carga, y si esaki pa cualkier



motibo fuera di nan control haña problema, ATIA lo a prefera pa tin mas opcionan den e area aki p’asina disminui e efecto cu Aruba ta keda sin comestibel y cierto mercancia.

ATIA sa cu esaki no ta facil, mirando cu Aruba ta keda pafor di mayoria ruta usual di barconan di carga y e mercado

ta uno relativamente chikito. ATIA ta reitira con importante e ta pa ofrece un servicio eficiente den nan nos waf y lo ta bale la pena explora opcionan cu ta haci Aruba atractivo pa mas liñanan di carga tuma e ruta pa Aruba, asina disminuyendo riesgo di un situacion similar na Aruba.

Despues di 15 aña di introduccion di Papiamento

Ban duna honor na nos Papiamento, dunando number na Papiamento

SIMAN pasa, tabatin apertura di e asina yama Veiligheids Huis. Sigur un bunita proyecto, si mira su meta. Pero nos pregunta ta, pakico a dun’e un number Hulandes? Pakico no por ta na Papiamento, p.e. yam’e Cas di Seguridad?

Algun aña pasa, Minister di Husticia, Rudy Croes di e tempo ey, a laga sa cu e lo kier cambia tur number na Papiamento di su departamentonan. Kico a pasa? Algun cambio so a ser haci, pero despues a sigui tog na Hulandes y asina e ta te awe.

Awor tabatin un oportunidad pa duna e Veiligheids Huis, un number na nos dushi Papiamento. Nos a spera e.o. e

Parlamentario Defensor di Papiamento, Sue Ann Ras, lo a bin cu loke awe nos ta reclama aki.

Asina tambe nos por a tuma nota di un fundacion nobo, Stichting Lever Aruba, un number Hulandes atrobe. Pakico e no por tabata Fundacion Hira Aruba? Nos Papiamento no ta bon.

AWEMainta sigur no ta perfecto, pero nos lo bisa cu for di awe, nos si lo cambia loke cu por na nos dushi Papiamento y contribui asina na un di nos metanan, pa pueblo siña mas di Papiamento.

Di di spera cu representantenan di pueblo, nos Parlamentarionan tambe duna e bon ehempel aki.

Ta hopi dificil pa un Hues traha riba un isla chikito si cuminsa atak'e personalmente

Den e conferencia di prensa di Corte di Husticia recientemente, a bini diferente tema dilanti. E punto primordial tabata e cifranan anual cu tur aña ta wordo presenta públicamente. Pero tambe a bini dilanti e problema pa funciona den un comunidad chikito, principalmente ora cu cuminsa ataca un Magistrado personalmente.

Persrechter sra. Debby Angela den su presentacion a splica cu un Hues ta huramenta di haci su trabou y ta tuma decisionnan na "eer en geweten", teniendo cuenta cu leynan y jurisprudencia. "Nos mester ta imparcial y esaki nos a huramenta p'e. P'esey na momento cu un Hues conoce e partidonan involvi ta pone esaki den man di otro colega. Admeas, si un persona ta pensa cu un Hues por ta parcial den su caso, semper e por pidi pa e Hues no trata su cas y tres Hues lo bay tuma un decision si e persona tin rason of no."

Tambe sra. Angela a trece dilanti cu ta hopi dificil pa un hues traha riba un isla chikito manera Aruba, "si cuminsa atak'e personalmente, siendo cu ta su trabou e ta haci y e no por defende su mes den prensa. P'esey mi ta pidi prensa pa no menciona number di



e Hues cu a trata un caso, pasobra e nomber no ta importante. E caso ta importante, e decision y e motibonan di e decision."

Presidente di Corte na Aruba Hues mr. Sap di su banda a bisa cu nan no por reacciona riba casonan individual, e comentarionan cu ta wordo haci. "Nostinnos preocupacionnan riba esaki. E ta inheriente na e trabou cu nos ta haci cu un hende ta keda decepciona, bo no por mantene tur hende contento. E sentencianan tur ta wordo motiva y nos no por comenta riba e reaccionnan despues. E reaccionnan ta bisa algo si di e hendenan cu ta haci esaki, pero nos no por haci nada den esey."



Smart systems
Security & Automation Systems



Sistema di Alarma
GRATIS



<p>Free Panel</p> 	<p>Free 2 motion</p> 	<p>Free App</p> 
<p>Free Remote</p> 	<p>Free 12 sensor</p> 	<p>Free Keypad</p> 

Pagando solamente bo monitoring fee pa luna, nos ta instala bo cas cu full un sistema di alarma completamente **GRATIS**.

Tel: 588-4259
Email: info@smartsystems.aw

Pa Ministerio Publico

Acusacion di asesinato a keda proba den caso Tanki Leendert

Diahuebs mainta Corte a tuma casi tres ora pa trata e caso contra e homber Fernando M., acusado di asesinato y intento di asesinato Chini Tse Mora y un amigo di dje, kende a logra sobrevivir. E hecho aki a tuma luga dia 12 di november, 2017.

Durante henter tratamento di e caso e acusado a muestra un tranquilidad grandi y ningun arepentimento ni preocupacion cu e ta sinta dilanti mesa berde pa un caso asina grave. Palabra manera “si boso proba cu mi a mata e persona mi lo pidi famia disculpa,” contestando Hues si e ta pidi disculpa na famia, ta demostra e caracter terco y agresivo cu otronan a bisa cu e tin. E hecho cu e no ta corda cu el a hinca e homber mara, e ta atribui na un golpi cu el a haya na su cara cu a pone perde su memoria temporal, den combinacion cu alcohol. Sinembargo na momento di e sucedido e tabata asina consciente cu e por a lansa menasa di morto pa e golpi cu el a haya despues di actua agresivo cu e grupo cu no a buske ningun



problema.

Despues di a pasa henter anochi ta bebe, el a sali pa bay su cas y a duna tres persona lift. Riba caminda pa cas riba agresivo contra un chauffeur cu a subi caminda su dilanti. Den su buracheria e acto aki tabata suficiente pa lanta su agresividad, pa cual el pasa e vehiculo y a stroba esaki di sigui su caminda. Esaki ta loke esnan cu el a duna lift a declara. Nan a mire e discusion fuerte cu e tabatin cu

otro chauffeur pero no a mira e acto di hincamento pasobra nan a bandona e sitio. Fiscal a haci uzo di e declaracion e damanan den e otro auto, kendenan a bisa cu e homber burachi tabata hopi altera y dado momento el a bay bek na su auto coy algo y a bolbe. Cu e aparato el a hinca Mora den pecho. Ora cu e chauffeur di nan auto a trata di core, el a hinke den su lomba y esaki a laga su curpa cay na suela.

Autopsia ta muestra cu Mora a fayece door di un perforacion den curason di un hinca di 15 centimeter. E hinca aki ta cuadra cu e obhetto di punta cu a wordo haya den auto di Fernando

mancha na sanger. Ta trata di un voltmeter. Fiscal a muestra riba declaracion di e tresnan den auto cu e acusado, kendenan a bisa cu e otro chauffeur tabata trankilo, e acusado a yega y a cuminsa grita y e acusado tabata muestra agresivo.

Fiscal dado momento a puntr’e na ki momento di e dia ey despues di e sucedido e ta cuminsa corda cosnan. Segun el a bisa na su cas. E no ta corda con el a yega su cas, solamente cu su casa a puntr’e kico a pasa y el a bis’e cu e tabata involvi den un pelea. “Con bo sa esey,” Fiscal a puntr’e. Su contesta tabata debi na e sla na su cara.

Tambe el a trata di bisa Corte cu e tin problema

pa corda desde cu el a sufri un accidente di brommer na 2015 y cu nan mester a reconstrui un parti di su craneo. Pa esaki el a entrega copia di un relato medico. Fiscal sinembargo a muestra cu den e rapport no tin nada di esey. E relato al contrario ta bisa cu e no a ricibi lesion na cerebro ni craneo. E lesion cu el a ricibi tabata na su cara y a kibra algun weso. Despues di esaki el a keda keto. Psikiatra a bisa cu kisas door di e hopi alcohol bebi, e tin e gap den su memoria. Pero e no ta loco y ta completamente responsabel pa su actonan.

E ruman muher tambe a presenta un demanda

BO MESTER DI WASTE BUCKET RESIDENCIAL OF COMERCIAL?

ecotech GROUP

YAMA

Mr. Bucket

594-3757
mrbucket@ecotech.aw

20 yrd Big Bucket

15 yrd Junior Bucket

10 yrd Small Bucket

sigui lesa pagina 8

Minister Xiomara Ruiz-Maduro ta haci apertura di sesion informativo pa programanan financiero pa yuda empresarionan local

DIAHUEBs pasa Minister di Finansa, Asuntonan Economico y Cultura a duna acto di apertura na un sesion informativo riba servicionan y programanan financiero aplicabel pa empresanan na Aruba cu ta interesa y kier exporta nan producto of servicio for di Aruba. For di Hulanda tabata presente un delegacion di Rijksdienst voor Ondernemend Nederland (RVO). Na promer luga e mandatario a gradici Ministerio di Relacionnan Exterior di Reino y Rijksdienst voor Ondernemend Nederland p'e cooperacion den Reino pa asina promove y crea mas oportunidad pa desaroyo economico. Minister Ruiz-Maduro di su banda a trece dilanti e pasonan cu Gobierno di Aruba ta tumando pa



CASHIER/ACCOUNTING CLERK m/f.

The core task of the position is to support our customers at the counter with courtesy and high ethical standards.

The Cashier/accounting clerk duties and responsibilities:

- Independently set up, perform and control the various cashier and administrative tasks;
- Provides excellent customer service by listening to customer inquiries and requests;
- Ensures invoice totals are accurate;
- Ensures proper receipt and recording of customer payments;
- Executes cash deposits;
- Monitors the petty cash;
- Ensures reconciliation of cash receipts with cash deposit;
- Responsible for the money flows at the counter;
- Professional and service minded attitude by answering the incoming telephone calls;
- Maintaining good communication and collaboration with our Service Advisors;
- Takes initiative to help other colleagues if necessary.

The Cashier/accounting Clerk Requirement and Qualifications:

- Minimum M.A.V.O. diploma;
- E.P.I. financial/economic graduated;
- Knowledge of Word, Excel, Outlook and accounting programs;
- 2+ years demonstrable work experience in a similar position;
- Customer service focused friendly attitude;
- Trustworthy and careful handling of entrusted money;
- Language proficiency: Papiamentu, Dutch, English and Spanish.


We offer solid wages and benefits and the opportunity for training and advancement. If you are familiar with this profile and this sounds like the chance you've been looking for, please send your motivation letter with your Curriculum Vitae to:

Mrs. M.W. van de Griend-Jansen, Senior HR Manager Yrausquin,
L.G. Smith Boulevard 112, Oranjestad, Aruba or e-mail to Marja@Yrausquin.com

Closing date for application is May 31st 2018

Equal Employment Opportunity Employer

Established in 1952 Yrausquin is the exclusive dealer for Mercedes-Benz, Mitsubishi, Ford, Lincoln and Brilliance vehicles, selected used cars, excellent service, genuine parts and complete damage repair. In addition, Yrausquin has fully operational Service department, Body Shop and Parts department. Each day over 50 people are dedicated to satisfy our valued customers, creating the family bond we are well known for since the family company opened its doors. Become part of the success and join the family!



contribui na mehoracion di nos economia local y participacion di e mundo empresarial na nos pais.

E servicionan y programanan financiero di RVO ta ofrece ta amplio y por guia e empresario local for di comienso dunando tur informacion y asina e empresario ta prepara pa e reto su dilanti pa sondea e posibilidadnan pa exporta su producto y/o servicio pafo di reino.

Exprodesk como parti di Departamento di Asuntonan Economico, Comercio y Industria di Aruba a organisa e exitoso evento aki cu a tuma luga na Aruba Surfside Marina a conta cu un interes grandi di empresarionan di Aruba. Durante e sesion informarivo e participantenan por a tuma nota e

programanan financiero Hulandes cu awo empresarionan local tin e posibilidad di aplica y tur ademas oportunidad cu e programanan di exportacion ta ofrece.

Exprodesk ta un 'Export Promotion Desk' cu tin como meta pa contribui na un desaroyo economico sostenibel na Aruba hibando un maneho di capacitacion e m p r e s a r i o n a n estableci na Aruba. Door di organisa consulta, training y workshop Expro Desk ta ofrece sosten y guia na empresanan cu kier habri hala y exporta nan producto y/o servicio pafo di Reino Hulandes. Esaki ta un oportunidad pa empresarionan local bay e «extra mile» y progresa y contribui na mas desaroyo economico di nos pais Aruba.

Continuacion di pagina 6

pa pago di gastonan di entierro. Den e rato cu el a hiba palabra el a bisa "mi no ta compronde di con tin tanto maldad asina pa mata un hende, un hende cu bo no conoc. Esey no ta culpa di alcohol. Nan a djis puntr'e cual ta e problema.

"Dia 12 di november, 2017 algo horibel a pasa. Tur hende ta bisa cu e momento ey e acusado tabata hopi agresivo y no por a razona cun'e. Tambe el a bisa cu e arma uza a wordo haya na cas di e acusado, a haya su paña na sanger y testimonan ta bisa cu e tabata e agresor di e caso di asesinato aki. No tabatin ningun otro persona na e sitio cu e mesun tipo di arma aki cu a causa un hinca di 15 centimeter. Despues cu el a haya un canti man, el a bisa: "Un golpe asi se paga con la muerte." Despues el a bisa e chauffeur di e otro auto "A ti tambien te quiero matar" y a core su tras pa hink'e. Tur esaki, segun Fiscal, ta mustra con agresivo e tabata y su intento di kita bida di e hendenan aki, di cual uno so a fayece. P'esey e ta haya cu a keda proma e prome acusacion di asesinato y den e caso di e herido intento di asesinato.

Tur hende ta bisa cu e victima ta un persona trankil y stima pa hopi hende, No solamente famia a sufri un perdida pero tambe su amistadnan. Bo a causa un daño irreparable. Ningun castigo cu nos duna por kita e dolor inmenso cu e morto di Mora a laga atras. E amigo herida ainda ta biba den trauma. E acusado, e fiscal a sigui bisa, no tin un carchi castigo. Pero esaki no ta importante pasobra el a cuminsa cu algo grandi. Teniendo cu casonan similar na Aruba y otro islanan Hulandes, mi ta pidi Corte impone un castigo di 15 aña. E acusado a sinta scucha e demanda aki sin hik. Su Abogado mr. Mohamed a splica cu e acusado facilmente por a huy, biahando pa exterior. Y ora cu el a haya sa cu nan ta buske, el a bay entrega su mes. A wordo treci dilanti tambe cu ora el a haya un klap den su cara, el a perde su consciencia, no su tino. Esey ta e motibo cu e no ta corda kico a pasa despues.

Den su ultimo palabra e acusado a bisa: "No soy una persona agresivo. Nunca tuve problema con la justicia ni en mi pais ni en Aruba. Si admiti cu abuso del alcohol. Nunca pense en matar. Me estan acusando de asesinato que no se si lo cometi o no," el a bisa.

Hues a cera tratamiento di e caso y lo dicta sentencia dia 14 di juni pa 8.15 di mainta.



**Sintonisa tur merdia e duo di periodista
Alexa Werleman y Victor (Toko) Winklaar
Den Noticia na G-FM 99.9**

**Di dialuna pa diabierna
cu noticia sin miedo**



SERVICIO SEPTICO
ecotech aruba

- Residencial & Comercial
- Servicio Rapido
- Servicio Profesional, Confiabel y Garantisa

* Prys di Awg. 65,- te max. di 7 m³
* Prices based on 3.5% BBO BAZV.

YAMA NOS NA:
582-4684

info@ecotech.aw
www.ecotecharuba.com

Like Us On Facebook

Nos ta Acepta ATM ora di duna septic service

Primito
PEST CONTROL GARDEN CARE

Experto den Comehein
Solucion pa problema di
fruminga, garpata, kakalaka

Call Today: 588-4000
Free termite quotation.

AWEMainta
e corant di Toko

Tel: 583-1400 Fax: 583-1444

4 Compania a bid pa trucknan nobo di Serlimar



DIABIERNA mainta Notario mr. Ted Johnson a presenta e companianan cu a pone nan bidding pa compra di e diferente trucknan necesario pa Serlimar.

E trucknan ta ensera 18 afvalinzamelingsvoertuigen, 4 roll on/off trucks y 2 skidsteer loaders.

Un total di 4 compania a entrega bidding cualnan ta: NV Arubaanse Wegenbouwmaatschappij, R. E. Yrausquin & Sons (Aruba NV), Garage Central Aruba y AIS Enterprises NV.

E siguiente paso aworaki den e proceso di bidding cu a caba di tuma lugar p'e trucknan nobo pa Serlimar ta, cu lo sinta cu e Notario y traha un verslag pa despues repasa esaki cu e comision di Serlimar cu ta consisti di e team di maneho, expertonan di garashi y cu sosten di un personal di DOW cu a traha e TOR pa Serlimar.

Ora cu esey tuma lugar, e fecha cu duna nan, nan lo ricibi 9 luna pa nan por entrega tur e maknaria cu a puntra. Nos ta bisa na ingles why change a winning team, refiriendo n'e hecho cu e ultimo trucknan di Serlimar a resulta hopi bon. Pues a stipula algun criteria/standardnan cu e companianan mester tene cuenta cu ne ora di a presenta nan bidding.



Smart systems
Security & Automation Systems



**JOB
OPPORTUNITY**

★ *We are looking for **Two Full time Alarm technicians** with or without experience*

Alarm Technician

JOB DESCRIPTION

Installing a/o maintaining alarm systems and video cameras
Maintain a high level of customer service
Proficient at using hand and power tools
Ability to work with Smart Phones
Needs the ability speak clearly to customers
Other duties to be assigned as needed.

REQUIREMENTS

Must have valid driver Licence
Applicants must bring a certificate of good conduct ('Verklaring omtrent gedrag')
Needs the ability to work independently or as a team
Willing to work on call schedule

If you are interested pass at one of our offices at Paradera 185-B or Avenida M.J. Croes 118 (In front of Flora Market).
Or sent us an e-mail at info@smartsystems.aw **Tel: 588-4259**

Minister Xiomara Ruiz-Maduro:

Gobierno a reuni cu abogado David Kock riba e asunto di cobranza di royalties

E siman tras di lomba, manera anticipa den conferencia di prensa dialuna, nos a tene un reunion, hunto cu colega Minister Bikker, cu sr. David Kock rib'e situacion cu a surgi tocante cobranza di royalties pa radionan na Aruba pa e uzo di cantica local y internacional di cual tin derecho reserva.

Den e reunion sr. Kock a duna un presentacion y e Ministernan presente a haci diferente pregunta. Entre otro a pidi splicacion di e cobranza di 3 mil florin mensual, a pidi aclaracion di e base legal pa por eherce e cobranza aki.

Minister Ruiz-Maduro ta splica cu di banda di Gobierno nos a

splica Gobierno su rol actual ora ta trata propiedad intelectual y kico Gobierno su rol lo ta ora e cambio di ley cual ta trahando riba dje keda implementa. A indica na sr. Kock cu e manera cu a aserca e radionan no ta e manera mas adecua pa busca un cooperacion fructifero y a urgi sr Kock pa sinta cu e radionan y pospone e fecha di 1 di juni premira pa eherce e derechonan intelectual cu nan ta representa.

Mester bisa cu na final di siman e noticia a drenta cu e radionan a forma un asociacion y nan a cera un acuerdo cu Buma Stemra di Hulanda pa locual ta cumplimiento di pago di royalties na Aruba.



Posicion di Asociacion di Musico y Artista Arubano (AMAA) tocante reparticion di "Royalties"

PA MEDIO di e comunicado aki AMAA (Asociacion di Musico y Artista Arubano) kier informa kico ta su posicion encunto cobranza y reparticion di regalía ("royalties").

Regalia ta un consecuencia directo di e ley riba derecho

di autor, cu ta basa riba e Convencion di Bern di 1886. Den e Convencion aki ta stipula cu e creador di un obra, por ehempel un musico/compositor, tin e derecho exclusivo pa explota su obra economicamente. Tur otro persona of instancia cu kier haci ganashi cu un


B&P/INTERFACE ARUBA N.V.
Consultancy and Training

Upcoming Training Schedule



We're pleased to announce the training schedule for the months of May through June 2018. We can also provide these training sessions, as customized In-Company training.

- Practical Management (May 29)
- Warehouse & Logistics (June 2)
- Time Management (June 6)
- Anger Management (June 14)
- Purchasing & Stock Management (June 16)



facebook.com/bpinterface

For additional information and registration please contact us!
 Email: bpinterfaceaua@setarnet.aw Tel: 594-5533 / 587-7850

Like us





creacion di por ehempel un musico/compositor, mester di un permiso previo di e creador di e obra y lo mester paga pa su uso, si e creador ta desea esey.

AMAA ta para 100% tras di e idea di cobra y reparti regalía tanten cu e ta na beneficio di e creador di e obra. E instancia cu ta encarga cu cobranza

y reparticion di dicho regalía mester ta 100% transparente y mester por wordo controla (pa ley). Mundialmente ta usual cu e creador di obra tin bos y voto den e organizacion cu ta encarga cu cobranza y reparticion di regalía.

AMAA ta e organizacion cu ta salvaguardia e interesnan di musico/

artista, pa medio di conseho administrativo/huridico y te na e momentonan aki no ta involvi den cobranza ni reparticion di cualkier forma di regalía. Ta AMAA su deseo pa den futuro ta e organo of ta forma parti di e organo controlado di e instancia cu ta cobra y reparti regalía.

Di acuerdo cu nan propio interpretacion

Parlamentarionan di MEP, no ta interesa pa cobra overbruggingstoelage ora nan baha

PARTIDO MEP a tuma nota cu medionan di comunicacion (?) atrobe ta trociendo informacionnan pa bruha tera den nos comunidad. Esaki riba su mes ta un hecho baho, pasobra pueblo merece di wordo trata cu mas respet y cu e berdad.


T'asina cu e presupuesto cu a keda trata y aproba a inclui 'overbruggingstoelage' p'e ex Parlamentarionan, den e caso aki di partido AVP. Cu di acuerdo cu nos interpretacion ta ley. Segun MEP esnan cu a wordo inclui den e presupuesto di Parlamento y lo cobra 'overbruggingstoelage' ta: Clarisca Velasquez, Melvin Tromp, Donny Rasmijn, Lorna Varlack, Jeffrey Kelly, Norman Roos y Baba Herde, kendenan pa 8 aña no a controla nan Gobierno y a permiti nan lider hinca nos pais den un mega debe, lo bay sigui cobra placa di pueblo.

MEP ta bisa cu AVP a laga nos pais casi den bancarota cu un debe astronomico pa motibo di mal maneho. Pero con MEP a laga pais Aruba na 2009 anto? Pero e tempo ey tambe esnan cu tabata Parlamentario a cobra nan overbruggingstoelage. Tabata Rudy Lampe, kende a declara di no kier cobr'e, pero cu finalmente a haci'e tog, pasobra pa ley, Gobierno tin cu paga dicho compensacion.

Pa MEP, Gobierno di Aruba mester a introduci un 'crisisheffing' na unda cu 1.5% ta bay pa paga proyectonan di PPP.

E belasting aki a wordo yama B-AVP y lo aparece riba recibonan p'asina pueblo hamas lubida cu ta pa motibo di AVP y su mal maneho awe pueblo mester paga.

Por interpreta declaracion di MEP aki, cu ora cu nan baha, nan si lo no cobra e overbruggingstoelage. Anto ta bon pa bise esaki for di awor, cu ningun di nan no ta interesa despues di nan periodo lo no ta interesa pa cobra nan overbruggingstoelage.



COMMERCIAL REFRIGERATION

SERVICE & REPAIR
for Resorts, Restaurants & Grocery Stores



✓ Fast Response

✓ Solution Oriented

✓ Reliable Services

✓ Improve & Extend Unit Efficiency and Effectiveness

✓ Malfunction Prevention



CONTACT US:

A Caya Ernesto Petronia 45

T 588.2860 C 563.3766

E fertecnv_mfer@outlook.com

f airconditioningaruba

Opening Hours

Dialuna - Diabierna: 8am - 5pm

Diasabra: 9am - 1pm

Parlamentario Endy Croes como Vice Presidente di Parlatino: **Dirigiendo su prome reunion den Comision Asuntos Politicos y firmando un acta importante pa cu Rednan Social**

SIMAN pasa diahuebs y diabierna tabatin riba agenda reunionnan di Parlatino n'e sede oficial di Parlatino na Panama. For di yegada e delegacion di Aruba consistiendo di Endy, Rocco, Setty, Shailiny y Howell a wordo hopi bon ricibi.

E delegacion di Aruba a asisti atendiendo 5 diferente Comision y Tema. Cada Parlamentario tabata ubica den diferente comision pa trata diferentetopico manera Servicio Publico, combati narcotrafico, terrorismo y crimen organisa, agricultura y pesca, turismo y medio ambiente pa nombra un par.

Endy Croes sin embargo a wordo nombra como Vice Presidente pa Comision di Asunto Politicos, Municipal y di Integracion y a reemplasa e Presidente di Mexico, Enrique Jackson Ramirez kende

no por tabata presente y asina Endy Croes den su prome bishita na reunionnan di Parlatino a haya su mes cu un encargo grandi pa dirigi e reunion den su totalidad.

CUMBRE RIBA FAKE ACCOUNTS

E reunion a bay super bon y representantenan sigur a keda hopi satisfecho. Parlamentarionan di Uruguay, Paraguay, Mexico, Argentina, Ecuador, Bolivia, Panama, Corsou, Venezuela y Aruba tabata den dicho reunion dirigi pa Aruba.

Den e di dos mitar di atardi Endy Croes a wordo aserca dor di Presidente y Secretario di Comision Servicios Publico, Julio Montoya di Venezuela y Enrique Pintado di Uruguay cu un peticion pa agrega un punto riba e agenda cu Aruba tabata dirigiendo p'asina



por tuma un decision conhuntamente cu dos comision.

Den oranan di atardi Endy Croes a manda yama representantenan di e otro comision cu a trece un punto hopi interesante na mesa. Un peticion pa Parlatino pa tuma contacto via canalnan oficial cu representantenan (CEO y CFO) di entre otro Facebook y demas

rednan social.

Final di november e aña aki sea na New York of na Europa lo organisa un cumbre p'asina atende cuestion di entre otro Fake Accounts.

ESPACIO PA DEFENDE BO MES
Politiconan rond mundo ta wordo lastra inhumamente pa Fake Accounts sin e derecho pa por defende nan mes y kier crea un espacio

pa por defende nan mes. No kier mishi cu e libertad di expresion di ningun hende, pero si kier tin e oportunidad pa por defende bo mes via e canalnan oficial.

Pa defende bo mes bo mester por sa ta contra ken bo mester haci esaki. Ambos Comision a vota pro e mocion aki cu excepcion di Bolivia y asina a duna aprobacion p'e Presidente di Parlatino inicia e proceso pa organisa e cumbre aki. Al respecto migracion y integracion tambe tabatin un debate hopi positivo unda na final di e reunionnan tur hunto a firma un protocol pa cu esaki. Aruba por ta orguyoso di su representantenan.



Parlamentario Marlon Sneek

Minister di Finansa ta confirma cu pensionadonan lo perde reparatietoeslag

PARLAMENTO a trata y aproba e ley di 'coalitieheffing' caminda a cambia diferente ley y un di esnan mas impactante cu a wordo cambia, ta e aumento di BBO y BAZV cu lo bay afecta tur hende aki na Aruba.

Parlamentario Marlon Sneek ta muestra cu Gobierno di MEP-POR-RED y nan fraccion den Parlamento, a muestra bon cla durante di henter e proceso di preparacion, tratamiento y aprobacion di e coalitieheffing, cu nan no tin ningun clase di piedad cu pueblo di Aruba.

"No ta cos di awor, pero for di algun tempo caba partido MEP, principalmente pa medio di su lider Minister Presidente, a bin ta kibrando tur promesa cu a ser haci na pueblo durante di campaña, confirmando bes tras di bes, cu interes di pueblo no ta na prome lugar p'e partido aki y p'e Gobierno di Evelyn WeverCroes.

Gobierno di e lider di MEP tin mester di 125 miyon florin, pa nan gasta cu nan amigo y famianan, pero a implementa tur clase di maniobra, tur clase di triki politico, pa trata di convence pueblo cu loke nan ta haci ta pa motibo di e supuesto desaster financiero cu Gobierno anterior a laga atras.

Sinembargo lo keda demostra cu tur e argumentonan aki ta sin base sigur ora cu analisa tur cuenta anual cu a wordo presenta y cu lo bin dilanti ainda, caminda ta confirma cu Gobierno di AVP a hiba un maneho responsabel dirigi riba desaroyo general di nos pais.

Net e siman aki caminda Gobierno di coalicion ta insisti cu tin un desaster financiero, director di AZV ta confirma cu den 2017 AZV a sera aña c'un saldo positivo di 30 miyon florin, pues cu Gobierno no mester duna AZV ningun placa adicional, pero Gobierno ta sigui insisti cu e tin mester di miyones pa yuda AZV.

No solamente e mentira aki, pero pensionadonan tambe a haya un fastball durante tratamiento di e ley aki ora cu Gobierno a broma cu nan lo haya un reduccion di nan prima di AZV di 10% te cu 6.5% cu lo brinda pensionadonan un espacio financiero adicional, pero Minister di Finansa a confirma na Parlamento cu e reduccion di pago di prima aki ta wordo paga pa SVB, consecuentemente e reduccion aki ta bay pa SVB y no e pensionado.

Sinembargo e pensionadonan aki dor di e decision di Gobierno aki a perde nan reparatietoeslag pues nan entrada mensual a wordo reduci dor di e



decision aki, pero Prome Minister a broma riba su facebook prome cu e ley a wordo aproba, felicitando pensionadonan mientras cu su colega Minister di Finansa ta conta un otro storia cu no ta cuadra cu loke e lider di MEP ta pretende, segun Marlon Sneek.



Anuncio Importante

The Media Group / AWEMainta ta anuncia cu entrante

1 di juli 2018 nos **NO** ta acepta cheque mas.

Por favor tuma bon nota di e anuncio importante aki.

Di antemano masha danki pa e cooperacion.



Fraccion di MEP:

“Claridad riba informacion erroneo di presupuesto di Parlamento”

MANERA ta conoci siman pasa den Parlamento di Aruba a ser trata diferente presupuesto, incluyendo esun di Parlamento mes.

E presupuesto ta pa duna un bista concreto riba e maneho di Aruba su Parlamento p’e aña cu ta sigui.

Despues di eleccion na september 2017 ta conoci pa comunidad di Aruba cu algun Parlamentario no a regresa den e Parlamento nobo (number 10), sinembargo segun ley e Parlamentarionan aki tin derecho pa ricibi locual ta wordo yama e ‘overbruggingsuitkering’. Esaki ta 80% di e ultimo salario pa termino di un (1) aña.

Si nos ta di acuerdo of no cu e procedura aki, ta keda prerogativa di cada ken, sinembargo fraccion di MEP den Parlamento ta condena e hecho cu ta malusa informacion di e instituto aki pa crea polemica.

Inversionnan den Parlamento

Ta importante pa remarca cu Parlamento den su avance pa ta independiente lo tin di inverti den diferente aspecto pa por logra e avance aki, manera ta proponi pa hopi tempo caba. Un di nan sigur lo t’e inversion cu tin di tuma lugar p’e aparatonan audiovisual nobo, esaki t’e aparatonan cu ta haci’e posibel p’e ciudadano y mundo henter por sigui reunionnan cu ta tuma lugar den Parlamento y tambe ta yuda den proceso pa por graba y warda e informacion aki pa futuro uso.

E independisacion di Parlamento tambe lo tin su gastonan den su intento pa informa y educa comunidad riba diferente aspecto cu ta trata e instituto sin menciona e asistencia y consehonan profesional cu esaki ta rekeri.

E proceso ta uno di gran importancia p’e trias politica di Aruba y tin di adkiri un grupo di trahador cu e conocimiento

necesario pa por realisa e meta aki.

Ta un lastima cu ‘fake news’ kier manipula e tipo di informacionnan aki pa probecho politico di baho nivel.

Fraccion di MEP ta condena e comportacion aki, y kier duna pueblo e informacion corecto y na mes momento contribui n’e crecemento y avance di Parlamento y Aruba en general. Parlamento tambe ta na turno pa introduci un sistema nobo di seguridad pa asisti y mehora e seguridad di personal y bishitantenan di Parlamento. Tambe ta bon pa informa cu e parti mas patras na Parlamento cu ta den un estado cu mester un renobacion lo ricibi esaki.

Parlamentarionan cu no a regresa

For di e ultimo eleccion e Parlamentarionan cu no a regresa ta sres. Mike Eman, Mervin Tromp, Jeffrey Kelly, sra. Lorna Varlack, Norman Roos, sra. Clariska Velasquez, Baba Herde, Donny Rasmijn, y Chris Dammers. Un gran parti di e presupuesto a bay p’e ‘overbruggingsuitkering’ di e personanan aki. Pues pa ta den tur transparencia cu pueblo e aumento di e presupuesto di Parlamento no ta pa Parlamentarionan actual, sino pa tur e gastonan, inversion y ‘overbruggingsuitkering’ di e Parlamentarionan menciona.

E motibo cu fraccion MEP a dicidi pa contraresta e ‘Fake News’ aki ta pa informa pueblo debidamente, pasobra ta pueblo ta scoge su Parlamento. Apesar cu oposicion mes t’esnan cu a cobra e ‘overbrugging’ aki, nan kier mal informa pueblo pa crea confusion.

Fraccion di MEP ta lamenta e actitud aki, como cu Parlamento ta un instituto serio y respeta. Su trahadornan ta dedica y ta produci grandemente pa pais Aruba y no merece di ser trata di e forma aki.



Rocco Tjon, lider di fraccion di MEP a duna di conoce cu:

Reunion di Parlatino na Panama a atende topico manera corrupcion den sector publico y priva

DEN e articulo informativo aki lider di fraccion di MEP, sr. Rocco Tjon MBA, ta elabora riba reunionnan na Panama den cuadro di corrupcion den sector publico y priva.

Sr. Jorge Carbonell di “The Organisation for Economic Co-operation and Development” y sra. Grisell Aguilar di “Oficina de Las Naciones Unidas” a duna un splicacion extenso riba desaroyonan den nos region pa loke ta corrupcion en general. Ambos ta traha den unidadnan anti-corupcion den nan organisacionnan.

CORUPCION DEN NOS REGION

E dos oradornan a splica cu corrupcion tin su impacto riba gobernacion di un pais, su economia y aspectonan social.

Den nos region tin centenares di caso a tuma lugar den pasado y esun cu a capta mas hopi atencion tabata “Caso Odebrecht” na Brazil y “Caso Cemento” na Bolivia.

Atraves di un linea di tempo (1997-2018) a presenta e desaroyo pa loke ta leyman anti-corupcion y e maneranan con e malpracticanan ta tuma lugar.

Segun e lectornan e mayoria di casonan caminda actonan corruptivo ta tuma lugar ta den proyectonan di infraestructura y ora di e proceso di “bidding”.

RETONAN PA FUTURO

E reto di mas grandi segun e oradornan ta ehecurion di leyman anti-corupcion. Banda di e parti ehecurion mester percura pa por adapta leyman liher.

Mundo local y internacional ta dinamico y p’esey leyman mester por “keep up” cu e dinamismo di nos mundo.

Programanan di conscientisacion y fortalece lasonan internacional tambe lo yuda combati corrupcion, egun Rocco Tjon.

Esaki debicue lo crea un plataforma, pa riba nivel Parlamentario, por intercambia informacion, fomenta conocimiento y kisas asistencia ora di un encuesta parlamentario.

TRAYECTO DI “GOOD GOVERNANCE” NA ARUBA

Finalisando lider di fraccion di MEP, sr. Rocco Tjon MBA, ta enfatisa cu fraccion di MEP a entrega dos ley di iniciativa caba pa promove bon gobernacion. Ta referi n’e ley di screening di Ministers y e ley di finansamento di partidonan politico.

Dos otro ley cu fraccion di MEP ta trahando riba dje t’esun di comptabilidad y esun di nos propio begrotingskamer.



Por ultimo e trayecto di independisacion di nos colegionan di estado, cual trayecto ta wordo lidera dor di Presidente di Parlamento sr. Juan “Ady” Thijsen, lo promove transparencia y bon gobernacion.



Ricibi AWE Mainta tur dia den bo Inbox

Registra awo!
Manda bo e-mail na
noticia@awemainta.com



Booshi Wever (UPP):

Minister Otmar Oduber ta sigui bulldoze e incinerator pa Aruba

E ta “waste to energy” of un “waste of energy & money”?

“NOS por a tuma nota cu di berdad Otmar no ta “give a damn” cu ningun hende. T’e ta manda y no tin ningun hende pa par’e. El a “decreta” cu mester habri e frontera y ata Minister Presidente a core reuni cu e comision, siendo cu ta dia 3 di juni mester a reuni. Awor pa complace Otmar, ya otro siman lo tin un delegacion ta bay Venezuela pa habri e frontera”.

UPP a denuncia e “fixed bidding” y sin un hik di Ministernan y Parlamento esaki a tuma lugar, combirtiendone nan mes tambe den complice di crimen contra nos pueblo. Nos a denuncia e mudamento di Serlimar pa Pos Chikito den e edificio di e financista y doño di POR, “geen haan die ernaar kraait”! Tambe nos a adverti p’e MEGA inversion di un incinerator cu en todo caso Aruba lo no por carga financieramente, sigur no awor cu a caba di hiba e pueblo n’e altar di sacrificio.

Segun Booshi Wever, sr. Hendrik Tevreden a bisa hopi cla cu pa awor no tin espacio y cu mester tene cuenta cu otro prioridad. Otmar yuda pa Gobierno a djis ignor’e y a simplemente “lapt zijn woorden aan zijn laars”. Parce cu awor si tin espacio financiero despues cu e “crisisheffing” a pasa?

Sr. Tevreden ta “tevreden” cu esaki? Nos a comprende

cu Prome Ministro a reuni cu TNO (AVP) y e comision “handpicked” y cu e “expertonan” di e Minister. Y parce cu MinPres tambe a keda convenci cu incinerator di repente t’e solucion? Loke nos ta ripara tambe e falta di convergencia den Gobierno, dor cu un Minister ta scoge pa un formato di trata sushi y produci energia, mientras cu tin otro Ministernan cu tin den nan cartera p.e. inovacion y asuntonan energetico y un otro tin ciencia y desaroyo duradero (sostenible).

Den un Gobierno unda e pais ta na prome lugar e Ministerionan di Asunto General, Integridad, Inovacion y Energia, esta sra. Wever-Croes y esun di Enseñanza, Ciencia y Desaroyo Duradero, esta sr. Rudy Lampe, mester t’esnan cu mester delinea e cuadro di uno kico ta direccion of rumbo cu nos mester scoge pa loke t’e desaroyo sostenible di nos pais hunto cu e maneho y rumbo energetico cu ta cuadra den esaki.

Ta n’e momento ey ora cu tin e parti aki defini, un pais por bay scoge e forma cu ta trata e sushi y cu den opinion di UPP cu esun di “Waste to Energy” no t’esun mas adecua ni bentahoso pa Aruba.

Den su articulo Booshi Wever a purba di muestra cu un incinerator no ta

cumbini Aruba, pero ta parce cu ningun hende ta “give a damn”. UPP en todo caso si ta “care” p’e pais aki y e pueblo Arubano. E tin UPP como organizacion político sumamente preocupa ora nos scuchae Minister concerni y e Gobierno actual bisa cu e solucion pa Parkietenbos lo ta e concepto di “Waste to Energy”! Segun e propio mandatario esaki lo bay costa entre 150 pa 200 miyon dolar. Nos a consulta cu expertonan riba esaki y nos a bin compronde cu rond mundo e sistemanan di “Waste to Energy” via incinerator cu mas bien ta un kimamento feroz (“mass burn”) cu ta ser yama Conversion Technologies (CT), ta wordo cuestiona formalmente.

Segun Booshi Wever, un di e motibonan principal pa cual hopi di e facilidadnan similar a sera y ta serando nan portanan ta pasobra e gastonan di operacion ta extremadamente halto. Tambe ainda ta wordo cuestiona si e tratamiento di sushi aki realmente ta un forma di clean energy, debi na su efectonan di emision. Tambe e pregunta ta si nos ta produci suficiente sushi pa por garantiza un operacion estable y financieramente estable.

Y un incinerator na final no ta contribui na consenshi general cu mester tin tocante re-use di desperdicio den

un forma sostenible y cu ta cuadra cu e concepto di blue economy cu UPP a presenta den su programa di partido.

Ta p’esey UPP no por compronde cu e “expertonan” y TNO ta insisti riba un sistema asina. Of ta pasobra nan kier complace e mandatario den su locuranan y insistencia? E ta incomprendibel y sigur un ridicules di marca mayor con un gobernante por hinca den su cabes pa hinca Aruba den un aventura asina aki.

Hopi raport a prueba cu un proyecto asina, particularmente uno di e magnitud aki, lo nifica un otro debacle financiero. Ni na paisnan grandi tipo di proyectonan asina a resulta. Y pa colmo nos no mester bay leu, na Aruba nos tin e prueba. EcoGas ta un ehempel cu “Waste to Energy” no a resulta. Y cu pueblo, por medio di WEB a paga pe.

E ta un manipulacion enorme, pa nos no bisa un mentira flagrante, cu cualkier politico of gobernante por pretende cu dor di kima nos sushi nos por genera coriente y cu esaki lo bay reduci e gasto mensual di coriente. Rond mundo a wordo prueba cu esaki NO t’e caso, pio ainda, ta científicamente prueba cu “Waste to Energy” t’e forma mas caro pa produci coriente.

Ta parce cu e comision



“handpicked” y e “expertonan” di e Minister hunto cu e grupo elite cu AVP a usa pa manipula pueblo riba e concepto “GREEN” pa 8 año largo, esta TNO, a convence nos Minister Presidente caba, segun nos por a compronde for di un comunicado cu Gobierno mes a emití.

Ta p’esey nos speransa pa para e locura aki ta den man di pueblo y Parlamento. UPP kier un biaha mas haci un yamada na Parlamento pa no laga, e Minister Scorpion cu a converti su mes den e Minister Octopus y e “manda mas” den e Gobierno actual, conta nan un “sprookje”! Nos no ta laat ainda. Si Parlamento no para e locura y e afan di e Minister aki pa un biaha mas faborece un amigo, nos lo bay haya cu placa di nos pueblo lo bay wordo derocha na unda nos sigur lo NO haya “Waste to Energy” pero un “Waste OF Energy & Money!!”

Booshi Wever ta spera cu Parlamentarionan ta consciente cu e pueblo tin miras riba nan comportacion y lo husga nan si resulta nan tambe a para bira un “stempelparlement”.

B&P/ Interface Aruba a presenta Curso "Ley di Labor den Practica na Aruba"

Recientemente B&P/ Interface Aruba Training & Consultancy a haci entrega di certificado na 17 cursistanan cu a participa na e curso "Ley di Labor den Practica na Aruba". E curso aki a wordo desaroya specialmente pa duna mas splicacion riba e tereno di ley di labor y con esaki ta funciona den practica. E curso tabata tin un duracion di 18 ora, reparti den 6 siman.

Un bon conocimiento di e ley di labor ta di suma importancia ora cu bo ta doño di un empresa of tin un funcion den e departamento di Human Resources of como Manager di un compania. Tanto pa e compania y tambe pa e empleado nan no sali perhudica ta importante pa bo tin un bon conocimiento di e ley di labor. Ta importante pa sa kiko bo mester tene cuenta cu ne na momento di entre otro retiro di empleado.

E docente encarga cu e curso aki ta un di nos expertonan local riba e tereno aki, señor Enrique (Tito) de Cuba. E participantenan di e curso di Ley di Labor cu a ricibi certificado ta:

Ariane Frans, Dorothy Albertsz, Yvonne Huen, Barbara B. Richardson, Valeriana Narvaez Espinoza, Alina Mansur, Yvonne Kaarsbaan, Morris Figaroa, Juan Bocache, Diveana Arends, Elston Cilié, Miveca Croes, Milton Hazel, Sudi Guda, Ninfa Jaramilla, Sandra Gacusan y Lina

Maria Hidalgo. E Photo ta islustra: docente Tito de Cuba, cu e participantenan.


Un palabra di felicitacion ta bai na tur e cursista nan cu a termina e curso aki cu exito.



Saladmaster

DISTRIBUTORS, INC.

48 BEACH STREET • P.O. BOX 417 • MANCHESTER, MA 01944
Telephone 978-526-4939 • Fax 978-526-4801
www.wecook.com • E-mail: Stephanie@wecook.com



SALADMASTER – Press Release

Chris Nahatis – Director of Saladmaster for ARUBA
Is pleased to announce that **MARIA PETIT** is the **EXCLUSIVE Saladmaster Representative in Aruba And Curacao**

Mr. Nahatis for many years, along with his daughter Stephanie visited the island and conducted numerous Cooking Demonstrations at the TALK of the TOWN with great success.

You may contact Maria for both Sales and Service At: 297-592-3609 or email: <cooking_with_passion@hotmail.com>.

Saladmaster Cookware is Manufactured in the USA With a LIFETIME warranty, ONLY if purchased by An authorized Saladmaster Representative.

May 22nd 2018




Kitchen Ware By Master Craftsmen

Dama na stuur di Toyota Levin a perde control y ta dal cura di cas kibra

DIASABRA pa mas o menos 1'or y 20 di marduga, patruya di Santa Cruz ta wordo manda un adres na Rooi Bosal pa motibo cu un auto lo a dal contra un cura di cas y a benta un gran parti di e cura abou.

Na yegada di berdad nan ta topa cu un auto Levin Blanco cu hopi daño material y cura di un cas basta destrui. Aparentemente e dama cu tabata manehando e Levin pa un motibo of otro a perde control cu su auto y a dal contra un cura di cas y a benta un gran parti di e cura abou.

Despues cu polis a tuma tur datos y regla tur cos, polis a hiba e dama cu tawata basta emociona su cas. Mientras e auto a keda staciona otro banda di caminda, unda e boksmento a tuma luga.



Toyota Corolla pa drecha ta wordo cendi na candela y ta kima por completo

DIASABRA den careda di 3'or di marduga, personal di brandweer y polis ta wordo pidi cu urgencia den Fahrenheitstraat pa un auto na candela.

Na yegada nan ta topa cu un auto marca Toyota completamente na candela y e doño di e cas cu ta biba na e cas ta bisa polis, cu algun rato prome el a scucha cacho ta blaf hopi, el a dicidi di bay tira un bista y pa su sorpresa el a topa cu un auto cu e tin staciona dilanti full na candela.

Mesora el a bati alarma, hopi lihe brandweer y polis a yega na e sitio y tambe ta topa cu e auto full na candela.

Mesora e personal di brandweer a cuminsa combati e candela y hopi lihe a logra paga esaki, E agentenan a tuma tur datos y e meneer a keda di pasa na warda di recherche pa entrega un keho, mirando cu tin indicacionnan fuerte cu e candela lo ta intencionalmente cendi.



Homber burachi a causa accidente y keda drumi despues den auto

DIASABRA anochi algo prome cu 10'or, un accidente cu basta daño material a sosode pazuid di crusada di Sero Pita. Loke a tambe a wordo informa, tabata cu tin hende herida.

Na yegada di polis di trafico e ta constata cu un di e chauffeurnan a keda den e auto. Ora cu ela bay mira e chauffeur di e Chevrolet, esaki tabata "drumi", y for di paden di e auto por a haya un holor fuerte di alcohol.

Polis a trata tur manera pa lanta e homber, pero sin ningun resultado.

A pidi transportwagen pa si nan logra lant'e, e wordo deteni.

LOKE A SOSODE

E chauffeur di e Chevrolet, tabata bayendo zuid y door cu e tabata burachi ela hala na su man robes.

Net momento cu e Nissan March tabata bayendo direccion nort.

E ta dal contra e Nissan March y sigui bay zuid pega den un mondi, pariba di caminda.

Na yegada di ambulance, e personal a pasa un poco trabou tambe pa convence e homber pa lanta y sali di e auto.

Despues di basta papiamento e homber a lanta y sali di e auto. El a wordo poni ariba cama y hinca den ambulance caminda e lo mester a wordo atendi.



Accidente na Bruynewijk diabierna anochi

A laga un persona seriamente herida, y a ser hiba den situacion critico pa Hospital

DIABIERNA anochi pa mas o menos 7:25 Polis a wordo manda cu urgencia pa Bruynewijk, caminda un accidente serio a tuma lugar. Na yegada di Polis di Trafico, e ta constata cu e accidente ta uno basta serio, mirando situacion di un chauffeur.

Segun nos a compronde, e chauffeur mas grave tabata sangra profusamente for di riba su cabes.

LOKE A SOSODE

E Toyota Corolla lo a dal contra un stupi y kita bay dal contra un palo di luz, pa despues sigui bay dal contra un otro auto.

Un rato lo mester a warda riba ambulance, cu tabata pabou di brug. Pero, un otro unidad lo a yega y tambe a constata seriedad di e victima.

Mesora a cuminsa haci preparacionnan pa hiba e victima cu urgencia pa hospital.

Den un situacion critico e victima a wordo transporta pa hospital. Segun informacion n'e sitio, e mesun auto aki un rato prome tabata core hopi malo, segun testigonan.

BFTO (Departamento Tecnico di Polis) a ser solicita n'e sitio, pa haci investigacion.

Slachtofferhulp tambe a wordo manda Hospital, pa atende cu famia di e victima.



Aruba Scholarship Foundation ta recorda studiante pa aplica pa beca 2018/19



BANCO DI CARIBE

OFFICIËLE KOERSEN TEN OPZICHTE VAN DE ARUBAANSE FLORIN

GELDIG OP 25 May, 2018 EN TOT NADER ORDER

valuta	aankoop van publiek			verkoop aan
	bankpapier	wissels, CHQ's reischeques en overboekingen		publiek
Ned. Antil. Gulden ANG Per ANG 100	98.00	100.00	biljetten chq./overboeking	100.20 100.00
Amerikaanse dollar USD	1.77	1.78		1.80
Canadese dollar CAD	1.35	1.37		1.39
Zwitserse frank (per 100) CHF	179.15	179.87		180.67
Pond sterling GBP	2.31	2.36		2.42
Japanse yen (per 10.000) JPY	161.33	162.81		164.44
EURO (per 100) EUR	206.06	207.94		210.03
Deense kroon (per 100) DKK	26.94	27.66		28.46
Noorse kroon (per 100) NOK	20.90	21.62		22.42
Zweedse kroon (per 100) SEK	19.38	20.10		20.90

DESPUES cu e ultimo fecha di aplicacion a vence, varios interesado a acerca e fundacion pa duna e studiantenan ainda un extra oportunidad pa nan aplica. Fundacion pa Beca Aruba (Aruba Scholarship Foundation) a dicidi cu e studiantenan tin e posibilidad pa aplica ainda, pero no **mas tarda cu 31 di mei 2018**.

Tin e posibilidad p'e becado aspirante manda e aplicacion di beca 2018/19 online.

Hunto cu e formulario di aplicacion, directiva di ASF mester ricibi tambe diferente documento necesario, manera prescribi den e formulario.

E interesado por manda e aplicacion y e documentonan adhunto via email pa señores Etley Lasten (lastenet@gmail.com, Hector Kolfin (hectorkolfin@gmail.com of Brian Marchena (brian@4salemagazine.com). Esaki tambe ta conta p'e studiantenan cu ya tin un beca di ASF y cu ke sigui studia cu beca di ASF.

Finalmente Fundacion Beca Aruba (ASF) desea e studiantenan tur exito cu nan estudio.

Partido MEP n'e Parlamentarionan di AVP:

“Biba cu e realidad di e desaster financiero cu boso partido a hinca nos pais aden”

DEN e ultimo simannan prome cu e tratamento di e BAVP-heffing y tambe despues di esaki, nos por a mira con Parlamentarionan di AVP den un ansha y desesperacion total kier sigui tira santo den wowo di pueblo y p'asina trata di tapa nan derochamento di placa cu nan a comete durante e ultimo 8 añanan.

Ta p'esey mes partido MEP no ta cansa y lo sigui conscientisa nos pueblo di e desaster financiero cu AVP a causa e pais aki y pa pueblo nunca mas pone e destructornan aki den stoel di gobernacion, segun un comunicado di MEP.

Deficitnan acumula di 1.7 biyon florin

Hecho ta cu tur e actonan destructivo aki a inicia bao di e prome gobernacion di Mike Eman, esta di 2010-2014 y cual a conduci cu na 2014 mes Gabinete Mike Eman a haya un Aanwijzing, KB y finalmente un CAFT riba su lomba. Cifranan financiero no ta gaña ya cu durante apenas 5 aña di Gabinete Mike Eman y bao di e ex-Minister di Finanza, Mike de Meza a ser crea deficitnan increibel, nunca bisto den historia di nos pais y cu recordnan tanto na 2012 como 2014 di riba 400 miyon florin!

Den e 5 añanan aki so un deficit acumulativo a ser crea di 1696 miyon florin, pues di 1.7 biyon florin! Ta mas cu logico tambe cu nos debe nacional cu na 2009 tabata 2.2 biyon florin, na 2014 ya a alcanza e cifra espantoso di 3.9 biyon florin y cual aumento ta cuadra completamente cu e deficitnan acumulativo di 1.7 biyon florin.

Pues mester conclui cu e desaster mayor pa nos pais a sosode den e periodo di 2010 pa 2014. Tur hende cu sano huicio por mira esaki, sinembargo ta poco Parlamentario ignorante y incapacita di AVP so manera avestruz ta hinca cada vez nan cabez den tera, no kier mira esaki y ta keda papia y skirbi disparate tur dia bay.

Unda e 720 miyon a bay?

Partido MEP ta keda di opinion cu e deficitnan acumulativo di 1.7 biyon florin tabata inecesario durante e periodo cortico di 2010 pa 2014. Pakico e ponencia aki?

E motibo ta cu na momento cu partido AVP a asumi gobernacion na final di 2009, nan a haya e situacion financiero den un estado manehabel, un caha di Gobierno can can cu placa ricibi di Plant N.V.(250 miyon florin), BBO riba export di Valero (280 miyon florin), Fondo Desaroyo Arubano (190 miyon florin) y cu den nan tres so a suma na 720 miyon florin, sin conta acerca e ganashi di Banco Central y e BBO local.

Partido MEP tin añanan largo caba ta puntra AVP na kico nan a gasta e 720 miyon florin aki den un tempo record asina?

Malgastando e suma aki completamente, nan a cuminsa fia manera mundo ta bay caba pa un suma di 1.7 biyon florin durante 2010-2014.

Pero te cu awe tur e Parlamentarionan di AVP ta bira mudo y sordo ora nan mester contesta e pregunta aki: Unda e 720 miyon florin a bay?

Ta p'esey mes henter fraccion di AVP mester cuminsa realisa cu ta nan partido a haci un daño financiero ireparable na nos pais y cu lo dura por lo menos te cu aña 2040, 22 aña mas y 5 otro gobernacion pa nos pais por yega bek na e debe cu Gobierno di MEP a laga atras na 2009, esta di 40% di nos GDP.

Pues stop cu boso politica barata di hunga pa Hudas y biba cu e realidad cu ta boso partido a hinca nos pais den e desaster aki. No stroba, djis para un banda y wak con e Gobierno actual manera ta custumber caba lo ruim op boso boel un biaha mas.



Ricibi AWE Mainta tur dia den bo Inbox

Registra awo!
Manda bo e-mail na
noticia@awemainta.com



Aruba Bank ta pone Aruba riba pia

E di 14 Aruba Walk & Run 2018 ta cuminsa awe dialuna



ARUBA BANK a anuncia e di diescuatro (14) edicion di Aruba Bank Walk & Run 2018 cu lo cuminsa awe dialuna 28 di mei, sigui pa diamars, diaranzon y diahuebs. E caminata lo cuminsa pa 6:30 PM exacto. P'e ruta completo por download e Aruba Bank App of bishita e website www.aruba-bank.com. Aruba Bank ta recorda participantenan pa ta na ora durante e cuatro (4) dianan aki pa no perde e salida.

Durante e actividadnan aki ta importante pa tur participante bisti kedsnan confortabel, pero tambe pa keda hidratada y corda trece bo boter di awa. E evento ta plastic free, Aruba Bank no lo parti containers di plastic. Lo tin awa/Gatorade na comienso y final y tambe lo tin waterpost. Corda di come y drumi bon pa asina tur hende ta fit p'e cuatro (4) dianan di Aruba Bank Walk & Run.

Nos ta boga pa sigui e reglanan di e boluntarionan, kendenan ta IBiSA, KPA, Harley Motor Unit y Cruz Cora. Lo bay tin na comienso y final un "helpdesk", unda representantenan di Aruba Bank lo ta feliz di ricibi comentarionan y yuda asisti participante. Pa cualkier pregunta por manda tambe un e-mail na arubabankwalkrun@gmail.com.

Download e Walk & Run App pa ricibi resultadonan LIVE. Tambe haciendo uzo di e App, bo por sigui bo participante preferi.



Tambe tin playlists nobo riba e App pa bo enjoy durante ehercicio y e eventonan. Tambe e App tin e posibilidad pa saca bo selfie riba cada 4 dia di e evento.

Riba e dianan aki lo por tin hopi trafico y un idea lo ta bon pa haci "carpooling" p'asina no pega den trafico.

E dianan aki lo ta importante pa automobilistanan tene na cuenta, pero tambe pa tuma nota riba e rutanan cu ta menciona riba e website www.arubabank.com y Aruba Bank App.

Pa mas informacion sigui Aruba Bank riba su Facebook Page y download e Aruba Bank Walk & Run App. Aruba Bank su Walk & Run 2018 poniendo Aruba riba pia!


Presenta pa Kozlov Dance Academy

Obra di ballet Giselle lo ta e weekend aki na Cas di Cultura



KOZLOV Dance Academy ta presenta dia 2 y 3 di juni venidero e famoso obra di ballet *Giselle* como e 'highlight' di nan 'showcase' di estudiante cu nan ta presenta anualmente. Mas cu 95 estudiante lo forma parti di e presentacion aki.

Joshue Garcia lo hunga e papel principal di Albrecht di 19 aña. Den un tempo cortico Joshue a logra mehora su bailamento. Su empeño pa balia ballet y su pasion pa arte di ballet ta admirabel. Aunke cu e papel di Albrecht ta destina pa bailado di 30 aña pariba, Joshue na un edad hopi jong a demostra su madurez



pa medio di tanto su actitud artistico como su capacidad tecnico di baile. E papel di Albrecht ta encera hopi movecion manera hisa y carga e bailarina pa cual Joshue tin e habilidad natural.

Sr. Leonid Kozlov, su coach y director di Kozlov Dance Academy y kende a forma parti di Bolshoi Ballet y New York Ballet ta bisa, "Poco biah a mira un hoben cu asina hopi pasion, disciplina, concentracion y respet pa loke e ta haci. Prome Joshue a siña e papel di Albrecht via video y el a aplica locual el a mira den e ensayonan y a pone un toke apropiado di su personalidad na e papel aki.

El a join nos cu Nutcracker pa prome biaha y durante e periodo aki el a expande su repertorio, incluyendo e partinan lirico, comico y clasico. Mi ta ansioso pa mira supresentacion den *Giselle*."

Ta invita comunidad completo pa bin disfruta di e presentacion espectacular den cual lo mira bunita decor caracteristico di Rusia, cu ta un replica di e produccion di *Giselle* cu nan a presenta na Paris na 1910.



Esaki ta un storia di amor eterno, cu traicion y pordon cu nan a presenta mas cu 150 aña.

Carchi ta obtenibel pa Afls. 35,- na Van Dorp Bookstore y na Kozlov Dance Academy. Pa mas informacion por yama 564-2670 of bishita www.kozlovdance.com

Kiwanis Club of Aruba a ricibi reconocimiento

“Top Club di District” y “Distinguished Club” di Kiwanis International



RECIENTEMENTE a tuma lugar na Montego Bay, Jamaica, un congreso di sumo importancia cual ta Kiwanis Eastern Canada and The Caribbean District Convention. E ta un congreso unda 247 club cu ta forma parti di e districto ta reuni pa trata puntonan di atencion p’e division y districto como tambe di Kiwanis International.

E miembronan ta intercambia idea, atende diferente tayer educativo y e clubnan ta duna un reporte di nan progreso den e ultimo kwartal ademas di e

proyectonan cu lo ser realiza den e proximo lunanan nos dilanti.

Durante e tayer di “ Forum 7: Enhance Kiwanis Image” a sobresali e trabou impecabel cu Kiwanis Club of Aruba su PR Chair alabes Division PR Chair, Edalitz Weller, a bin ta haciendo den branding como PR tanto p’e club como Division 26.

Kiwanis International a reconoce 25 club den Eastern Canada and The Caribbean District y aki Kiwanis Club of Aruba a ricibi e reconocimiento di “Top Club” di e districto pa aña Kiwanistico 2016-2017.

Esaki t’e aña cu Aurora Dijkhoff tabata e Presidente di Kiwanis Club of Aruba, y mester remarca cu ta prome biaha cu un club di Kiwanis na Aruba ta ricibi e reconocimiento di “TOP CLUB”.

Alabes Kiwanis Club of Aruba a ricibi “Distinguished Award” tanto di Kiwanis International como di Eastern Canada and the Caribbean District p’e aña Kiwanistico 2016 -2017.

Diarazon ultimo durante e reunion general di Kiwanis Club of Aruba, Lieutenant Governor di Division 26, Giantonio Muller, a haci entrega oficial di e certificadonan di “Distinguished Club” na Aurora Dijkhoff.

Alabes a pin Keyla Reeder como “Distinguished Secretary” y Aurora Dijkhoff como “Distinguished President”.


E trabou como boluntario cu e miembronan di Kiwanis Club of Aruba ta realisa cu amor p’e comunidad di Aruba a ser reconoci cu tres Lieutenant Governor Award durante e aña Kiwanistico 2016-2017 di Division 26 EC&C District.

Cu e reconocimentonan durante e congreso di Kiwanis Eastern Canada and The Caribbean District Convention na Jamaica a toca e honor di ricibi e banner como TOP Club di District, y Distinguished Awards di tanto Kiwanis International y Eastern Canada and the Caribbean District di Kiwanis International. Kiwanis Club of Aruba ta gradici su miembronan pa nan amor y pasion pa sirbi e muchanan y comunidad di Aruba.

Kiwanis K Club di International School of Aruba cu gradicimento special na RIU Hotels & Resorts

Participantenan a termina caminata y coremento tur na color

DIADOMINGO a tuma luga e Fun Walk/Run organisa dor di studiantenan di Kiwanis K Club di International School of Aruba (ISA).



Cu e actividad aki a recauda fondo pa organisacion di Ambiente Feliz. A conta cu 25 boluntario y mas di 200 persona a participa, pa cual 5 estudiante a busca sponsor, asina Juffrouw Theresa Montenarelo a expresa. ISA ta gradici RIU Hotels & Resorts y tur otro patrocinado pa yuda organisa e actividad di 5KM cu a cuminsa y termina na Fisherman's Hut. Kiwanis K Club di International School of Aruba a desea di organisa e actividad aki atrobe, pasobra nan a organisa labamento di auto y dia di famia. E actividad aki a resulta mas leuk pasobra tabata un actividad pa comunidad unda tur hende a relaha, pasa agradabel y e muchanan chikito a disfruta hunga cu e "colour powder".

E atardi a cuminsa cu un warmup di zumba, pa prepara e participantenan p'e careda. Tur cu a participa den e zumba a pasa un momento agradabel, bailando y stretch nan musculo. Mayor y muchanan tabata hopi entusiasmo y cla pa core of cana. E atardi aki tabatin 4 diferente grupo, di cual tabatin e grupo di famia cu tabata consisti di mayoran, kendenan a bin pasa un atardi activo cu nan yiu(nan). Tambe tabatin e grupo di canadonan, e grupo di joggers y por ultimo tabatin e grupo di coredonan.

Tabatin dos stacion di coloring, di cual uno tabata situa na 1.25 KM leu di Fisherman's Hut y e otro tabata na Boca Catalina. Boluntarionan tabata basha color powder riba e participantenan, unda na final di e actividad tur hende tabata colorido. Polis a dirigi e actividad, garantizando siguridad di e participantenan riba caminda y tambe e team di Rode Kruis tabata presente pa cualkier caso di emergencia. Tur esaki a conduci na un actividad masha exitoso, organisa pa International School of Aruba. RIU Hotels & Resorts a habri Riu Palace Aruba na aña 2007. Debi na e gran exito di su prome hotel na Aruba, e compania a dicidi di adkiri un di dos hotel, habriendo Riu Palace Antillas na aña 2014. Hunto e dos hotelnan aki ta maneha mas o menos 25 mil huesped pa luna, cu un nivel di grado di ocupacion mas halto riba nos isla.

Entre e dos hotelnan RIU na Aruba, nan ta emplea riba 800 trahado, brindando huespednan e miho nivel di servicio.



E persona den spiel

Skirbi pa: Sweetheart Lady Esperanza/Sansha/Sasha Koolman

HOPI di nos pa hopi tempo a traha y lucha pa logra pa yega na bo meta y soñonan, pero no ta tur hende a studia e consecuencianan prome cu a tuma un decision, cual ta hopi importante y cosnan no a bay manera nos a spera, y a pone nos den situacionnan hopi fastioso y tristo.

Ta p'esey nos mester studia e consecuencianan cu e decision cu nos tuma, pa despues nos no haya nos den situacionnan cu por perhudica nos mes y famia.

Ban ta mas alerta y mas sabi y studia bon e consecuencianan, hopi forza y sabiduria, Amen.

Poesia/Reflexion

E Persona den Spiel...

E spiel ta bisa nos, nos ta bunita...

E spiel ta bisa nos, nos tin un bunita y sexy curpa...

E spiel ta bisa nos, nos tin un bunita sonrisa...

Awel e spiel ey por bisa bo hopi cos...tanto positivo of negativo....!

Mundo por haci bo Rey of Reina, djis wak bon prome y studia e consecuencianan bon...

Spiel por faya bo...tur cos ta depende na bo. Abo tin e escogencianan. Na final no ta hende lo husga bo sino e persona den spiel ey. Abo mes. E lo bay duna e sentencia...!

Bo por scoge pa bon y bo por scoge maldad, na final e consecuencianan ta bo mes...

y pa bo famia, y bo yiunan si ta nan ta chikito. E ora ey bo kier bisa..cu hende ta husga bo.

Laga mi encurasha bo, y duna bo un consejo di mi experencia di bida, semper zorg pa abo

T'e miho persona, studia bon prome cu bo tuma un decision sea den cosnan chikito.

Nos tur por, laga Tata Santo dirigi bo bida, entrega tur dia di nobo, e dia ey na Señor, pidi Señor

hopi fortaleza y forza y sabiduria y hopi Amor pa bo mes y pa bo Prohimo, no trata pa agrada

hende sino agrada Tata Santo, cana den caminda di Spirito, y Berdad, Bida, trata tur hende cu

respet y honestidad, sea amabel, stima bo Prohimo, no laga e persona den spiel faya bo, y ni

husga bo, tur bunita Bendicion, forza, y Sabiduria, Amen.

Graduadonan di curso "Supervision Profesional Avansa" presenta pa B&P Interface Training

RECIENTEMENTE un 1 grupo di 12 participante for di e sector priva y sector publico, a sigui e curso di B&P/ Interface Training tocante "Supervision Profesional Avansa".

E obhetivo di e curso intensivo aki di 6 dia, tabata pa adkiri conocimiento importante di supervision y pa ricibi e herment nan necesario con pa supervisa trabao. Tambe pa siña con pa fortalece e efectividad di supervision pa asina crea un team cooperativo cu ta produci na trabao.

Topiconan cu a wordo presenta durante e curso aki ta: Comunicacion Efectivo, Instrui y Coach di personal, Duna Guia efectivo y motiva bo personal, Resuelve Conflicto y Negocia Efectivo, Soluciona Problema y Tuma decision Efectivo Pone-mento di Meta.

E curso tabata intensivo y practico na manera cu ora e cursista yega su trabou e por aplica loke el a siña mes ora.



E curso a wordo presenta door di Sra. Drs. Ina Croes, Trainer Certifica den servicio di B&P/ Interface Aruba. Esnan cu a gradua ta: William Ng, Pedro Geerman, Rawin Maduro, Luis A. Cannegieter, Marlon Mathilda, Alberto Tromp, Frankey Moore, Esther Maricella Kock, Betty Ramos, y Sharda Nu-boer. Un palabra di felicitacion ta bay na tur e graduadonan.

Deporte

Seleccion di Aruba y Spuiters ta splits nan double header 1-1



CAMPEONATO Liga Especial a continua fin di siman. Selecion di Aruba a enfrenta Spuiters den dos tremendo duelo unda selecion ta blanke Spuiters den e prome wega, mientras Spuiters ta domina den e di dos wega. Seleccion di Aruba 9 careda, 11 hit, 0 error y ta laga 4 coreador den circulacion. Spuiters 0 careda, 1 hit, 1 error y ta laga 4 coreador na base.

Jair Thompson ta lansa 3 inning y ta bay cas cu e victoria ricibiendo relevo di Jomark Flanegin. Jair ta lansa un total di 59 lansamento di cual 28 bola y 29 strike, 6 strike outs, 3 base por bola y no ta permiti ningun careda.

Jomark den relevo ta lansa 24 lansamento 9 bola y 15 strike y tambe ta poncha 3 bateador.

Pa Spuiters e pitcher internacional Jesus Leal Becerra ta habri e wega, pero ta wordo zona basta fuerte p'e bateadornan di seleccion.

E ta lansa 2 inning pa un total di 56 lansamento 23 bola y 33 strike ponchando 5 bateador permitiendo 6 careda limpi. Henk Arnold a drenta di relevo lansando 8 bola y 28 strike.

Mihor bateadornan pa seleccion di Aruba ta Leander Angela, Ray Bernabela di 3-2, Jair Thomspon 1-1, Egimar Lampe, Filbert Thiel ambos di 2-1, Filbert anotando 3 careda, Kelvin Silvania di 2-2 cu dos careda anota, Sando Geerman di 3-1.


Pa Spuiters, Guyon Cannister ta conecta e unico hit y ta bay di 2-1. Den e di dos wega sin embargo Spuiters ta reaciona y ta habri cu e internacional Andres Gonzalez, kende a lansa un wega sublime pa bay cu e Victoria, mientras Giancarlos Gomez ta bay 4 inning, pero no tabata tin su mihor dia.

Spuiters 7 careda, 6 hit, 0 error. Seleccion 2 careda, 1 hit, 4 error. Andres Gonzalez ta lansa 82 lansamento, 29 bola y 53 strike, 8 strike outs, 3 base por bola y ta permiti 2 careda limpi. Giancarlos Gomez ta tira 32 bola y 47 strike pa un total di 79 lansamento, 3 strike outs, 2 base por bola. Jesus Leal ta bay di 2-1, Reison Alvarado di 3-2, Guyon Cannister di 2-1 y Walfredo Wester di 3-1. Pa seleccion Jomark Flanegin a bati e unico imparable y a bay di 1-1. Awe dialuna pa 7.15pm na veld di Pos Chiquito seleccion lo enfrenta Balashi Premuim den otro dos tremendo partido.



Lus...Camera...Fiesta

Soul Beach Music Festival



Lus...Camera...Fiesta



tabata grandi e aña aki





Minister ta denunsiá menasa fisiko kontra su persona i su famia

WILLEMSTAD - Den un karta ku minister di Enseñansa sra. Alcalá-Wallé a manda pa e organisashon Bos di Hubentut i sr. Brownbill i sra. Ana Sheila Alberto, e ta menasá di tuma paso legal kontra nan pa menasa fisiko kontra su persona i su famia.

Ta asina ku gobièrnu di Kòrsou a tuma un desishon pa garantisá estudionan ku ta duna hobennan i adulto un segundo oportunidat den bida. Te ku awor FEFFIK tabata un die institutonan ku ta brinda e fasilidat aki i ku gobièrnu ta subsidiá.

Mirando sinembargo tur e desaroyonan rondó di FEFFIK, gobièrnu na prinsipio di 2016 a tuma e desishon despues di bastante momento di saneashon di e situashon finansiero di FEFFIK, tumando nota di e debe ketu bai kresiente, konfiskashonnan/ beslagnan ku ta na orden di dia, i tumando nota ku e kantidat di studiantenan na FEFFIK ta desminuindo, no por sigui finansiá FEFFIK pero ta buska otro alternativanan pa garantisá hustamente e posibilidat pa hobennan i adultonan por sigui estudio via otro kanalnan.

Sin a tuma ningun tipo di informashon serka gobièrnu tokante e desaroyonan na FEFFIK, algun eksponente di Parlamento Hubenil/ Hoben Goberná, manera nan mes a identifiká nan mes, di forma basta grosero i derespetuoso a aserka tantu Minister Presidente komo Minister di ESKD pa intervení den e situashon di FEFFIK i alabes eksigí partisipashon direkto di Konseho di Minister. Nan a identifiká nan mes komo: Aymar Arngem, Timothy Woods i Shardilion Mutueel. A splika e hobennan ku no ta asina gobernashon ta funshoná.

Nan a keda warda te ora Konseho di Minister a termniá.

Manera nos tur ta na altura, Fort Amsterdam tin dos entrada/ salida: unu na Palasio di Gobernador i e otro banda di Warda di Polis. Ora reunion a finalisá, Minister ESKD a sali for di e lado di Warda di Polis, mientras e hobennan tabata pará na e entrada di Palasio di Gobernador ku ta kompletamente na e otro lado.

Grandi tabata Minister di ESKD su sorpresa ora yamadanan a kuminsá dreña ku sr. Shardilion Mutueel lo a bisa den entrevista na un radio-emisora/ televishon ayera nochi ku



Minister di ESKD lo a manda outo dirigí riba e hobennan, mientras ku

1. Minister NO ta manehá ningun outo di gobièrnu i
2. Minister NO a sali tampoko di e porta kaminda nan tabata pará.

Bos di Hubentut i Parlamento Hubenil/ Hoben Goberná: ta kon un hoben di Parlamento Hubenil/ Hoben Goberná por duna tal deklarashon den medio di komunikashon? Ta kon por lanta falsu testimonio i blasfemia di e forma aki den direkshon di un mandatario? Ta kua ehempel e hoben aki ta duna otro hobennan? E hoben aki a pensa ku lantando falsu testimonio e ta peligrá bida di Minister? E hobennan aki ta apto pa representá hobennan den un Parlamento Hubenil???

Ta bon pa informá ku ya Minister di ESKD a kuminsa risibí menasa riba su persona a base di e ekspreshon hasí dor di sr. Mutueel i ku ya Minister a informá outoridatnan kompetente riba e menasa aki den Minister su direkshon. Menasanan ku ekspreshonnan di rabia i odio fuerte manera: “m’a tende ku bo a manda outo riba hobennan. Wak bo kaya bon kiko bo ta hasi muhé. Pasombra bo ta bai paga masha karu mes pa e lokual ku bo ta hasiendo ei ku e hobennan. Okey????? Amí si ta bai siñabu i tur bo shofur i bodyguard nan tur respetá!”



Otro caso di tiramento cu morto

WILLEMSTAD - Diabièrnè 25 di mei 2018, alrededor di 23.44 or di anochi, Central di Polis a ricibí notificación di un otro caso di tiramento cu a tuma lugar den área di Rancho.

N'e sitio Polis a haña un hòmer heridá drumi riba caya den un plas di sanger. Te caminda esaki tabata posibel y bou di e circunstancianan presente, por a mira cu e víctima tabatin herida di bala n'e parti ariba di su curpa.

For di un investigacion preliminar cu Polis a realisá n'e sitio a resultá cu un rato promé habitantenan di den e área a tende zonido probablemente for di un arma di candela. Ambulance cu a presentá n'e sitio a transportá e víctima den situacion crítico pa policlínica di SEHOS pa tratamento médico.

Alrededor di 01.10 or di madrugada dokter na SEHOS a

constatá morto di e víctima.

E víctima cu tabata envolví den e caso di asesinato aki cu a tuma lugar diabièrnè 25 di mei último den area di Rancho, a keda identifiká komo: E hòmer **Shurickson Shannon Thomasa**, nacé na Còrsou, di 28 jüli 1995, di 22 aña.

N'e sitio Polis a haña y confiscá hulsnan cu tabata riba caya. Riba òrdo di Fiscal di Ministerio Públiko a confiscá e curpa sin bida pa mas investigacion.

Motibu di e tiroteo aki te n'e momentunan aki ta desconoci y ta den investigacion.

Cu esaki ta di 3 morto violento na Corsou, unda a usa arma di candela.

ACU lo reparti dividendo di Nafl. 3.779,501

WILLEMSTAD - Si tur kos bai segun plan mañan, sosionan di ACU lo outorisá nan direktiva pa reparti e suma di 3.779,501 florin na dividendo a base di akshon.

No kabe duda un inyeckshon positivo den nos ekonomia stanká pasobra e ta hinka plaka den sirkulashon loke ta un bon paso.

Aña pasá ACU a registrá un resultado positivo di 6.676,394 florin kual despues di aportá na diferente rondo i reserva general, ta muestra ku surplus neto di mas o menos 5.2 mion florin.

Riba e resultado aki ACU tin ku paga 1,468.807 florin di manera ku gobiernu tambe ta haña un lollypop pa inverti den proyektonan stail di barí sin bòm.

Un detaye interesante ta ku e koperativa ta reserva kasi 115 mil florin pa rekreashon pa penshonadonan mientras ku nan tin un fondo pa hubentut pa kual a reserva 134+ mil florin.

Loke tambe lo keda diskuti mañan ta 10 punto ku 25 miembro a proponé.

Un dje puntonan aki ta kiko direktiva di ACU tin pensá pa planeá pa sosionan durante e mundial di futbòl.

Nan proposishon ta pa forma un komishon pa bin ku un plan.

Tambe nan lo proponé pa instala un komishon ku lo tuma akshon konkreto riba proposishon i sugerenshanan di sosionan ku bin dilanti durante di reunion general.

Nan ke tambe un akklarashon di e 1,25% interes pa luna riba fianza i ki ta su historia.

Aklarashon nan ta pidi pa ku maneho di fianza na sosionan i ki plan tin pa formashon si sosionan.

Un pòst konsiderabel riba presupuesto di ACU ta seguro i e miembronan ke sa e plan di maneho i e relashon ku Cuna Mutual.

Masha importante ta pe miembronan haña tende ki maneho direktiva ta hiba ku miembronan ku no ta paga nan debe i di kendenan e pago ta dudoso.

Un sugerensha ku nan a hasi ta pa pensa riba un plan kaminda sosionan por topa otro pa aktividatnan koperativo i sosial i eventualmente konstruí un edifisio mas.



24 luna wangalan pa Leonardo

WILLEMSTAD - Kualke hende lo punra ma ta kuantu kasstigu por duna un hende ku a hòrta karchi di telefon. E konesta ta, dependé kuantu karchi ela hòrta i kuantu nan bal pasobra pa un hende hòrta kasi 4000 karchi di telefon ku bal 55,000 florin, mester saka un hende asina for di sirkulashon sino si e keda liber e ta hòrta henter e negoshi.

Leonard Emerenciana di 35 aña di edat ayera a presentá den sala di korte akusá pa 2 hecho kastigabel.

Pa kuminsá dia 2 di yùli 2017 Leonard Emerenciana a hasi su mes kulpabel na ladronisia di 3750 karchi di telefon ku un balor di 55.000 florin. E siguiente akto kastigabel kometé tabata dia 1 di ougùstùs 2017 i tabata kiebro den un outo, for di kua el a hòrta un telefon mobil, mas e suma di plaka di Nafl. 167,73, pertenesiente na e empresa Bay West Trading, respetivamente un suidano di fam Martina.

Den sala di korte ayera Leonard a desplegá un komportashon bastante intrankil i wes señora mr. Edelenbos kontinuamente tabata yama atenshon di Leonard Emerenciana ya ku kada biaha e tabata interumpí e wes na momento ku esaki tabata na palabra.

Wes dado momento a harta i tabata a punto di saka e akusado fèrfelu aki pafó di sala pa por kontinuá ku tratamentu di e kaso sin mas interupshon.

Leonard Emerenciana kontinuamente tabata ninga, bisando ku e no tin absolutamente nada di haber ku e akusashonnan kontra dje i en bes di kontestá e preguntanan ku wes hasié e tabata preferá lansa su propio historia ku no tabata al kaso tampoko.

Leonard ta un un delinkuente veterano i bon konosí di hustisia pasobra na aña 2015 tambe el a keda sentensiá.

E ladronisia di e 3750 karchinan di telefon, ku un balor di 55.000 florin, na kua Emerenciana a hasi su mes kulpabel a keda filmá riba vidio i fiskal mr. Ivo Out mes a rekonosé e akusado riba e filmashon.

Den e kaso di kiebro den outo tabata trata di un Kia Serato shinishi i e dos polisnan (Hooi i Parisius), kendenan a verbalisá e suseso kastigabel aki a bisa ku atraves di e imágennan di vidio debidamente nan a rekonosé Leonard Emerenciana den akshon, e polisnan a rekonose Emerenciana na su postura, na su kabeinan drèt i na su sikatris bou di e wowo robes.

Pa kolmo ku e mesun vehíkulo ku e akusado aki a presentá na e sitio di e ladronisia, e tabata envolví den un aksidente di tráfiiko.

Leonard sinembargo a ninga redondamente, bisando ku su reibeweis ta na Ulanda.

E suma di e karchinan di telefon a kaba den huma di droga ya ku Leonard ta un ferviente uzadó di droga.

Den sala di korte ayera el a bisa wes flèt ku kanibis pa e personalmente ta nada otro sino remedi. Den e otro kaso di ladronisia, esta kiebro den outo dia 1 di ougùstùs 2017, apénas shofùr di e outo a kaba di stashoná su outo pa mas of ménos 20 pasá di 3 na Piscadera ku ata Leonard Emerenciana huntu ku un persona mas a presentá den un Kia for di kua Emerenciana a baha i habri e outo stashoná su porta i saka e pertinensianan.

Wes finalmente a disidí, skuchando fiskal i e abogado ku un kastigu di prizon di 24 luna di kua 12 kondishonal ta e kastigu ku Leonard Emerenciana mester haña, pero ta bini aserka 8 luna di un kastigu bieu ku tabatin kologá riba su kabes i un periodo di prueba di 3 aña.

Registra awo!

Manda bo e-mail na noticia@awemainta.com

Ricibi AWEMainta tur dia den bo inbox





Hector Raphaëla sentensiá pa maltrato i violensia seksual kometé

WILLEMSTAD - E suidadano i perverso Hector Raphaëla un biaha mas tabata den sala di korte dia 25 di mei, akusá di a maltratá i violá un señora di fam Martina.

E akusado Hector Raphaëla tin 42 aña di edat, e ta un artista di obranan creativo, studiá i graduá akademia di arte na e nivel di HBO aya na Ulanda. Sinembargo e tin e mal kustumber di uza droga kombiná ku alkohòl pa djei kaba den hazañanan di dramanan violento i sumamente agresivo.

Ku un hende muhé di fam Martina, e akusado Hector Raphaëla tin un relashon estilo sende paga ku kada biaha ta desemboká den situashonnan peligroso ku mester yama polis bini despues ku e akusado lanta bati e muhé aki mal batí.

Pa trese trankilidat den e área kaminda na ta pèrmanesé, outoridatnan a stipulá ku Hector Raphaëla no tin mag atendé ku e shon aki mas, pero aparentemente esaki a sigui sosodé tòg.

Dia 27 di yanüari 2018 mes esei tabata e kaso, kaminda Hector a tene e muhé aki na su kabeinan, lastr'é abou na suela, batié ku moketa den kara, den kabes i skòp e señora na partinan ariba di su kurpa, okashonando raspánan grave na kurpa, wowonan hinchá i blousá, frakturá repchi, heridá kabes i garganta.

Dia 2 di òktober 2017 of a lo ménos durante e periodo 30 di sèptèmber pa 2 òktober 2017 Hector a bolbe maltratá e muhe aki, kousando atrobe tur sorto di komplikashon na esaki su kurpa, pero no opstante tur loke a sosodé Hector a obligá Martina pa tene relashon seksual kuné. Durante tratamentu di e kaso ayera, abogado di Hector Raphaëla, señora mr. Xiomara Bakhuis a argumentá ku aki ta trata di un relashon sumamente kompliká entre esnan menshoná i ku klaramente tin tur muestra di problemanan mental.

Sigur pa e forma di maltrato ku kada biaha ta presentá den nan relashon, tin tur indikashon ku malesanan tantu sikológiko komo sikiátriko ta hunga un ròl.

E akusado Hector Raphaëla den un di e biahanan a yega kas di Martina i a eksigí pa esaki habri porta pa e drenta, e muhé no kier a habri. Hector e ora ei a grita ku lo e drenta via di bentana anto, riba kua Martina a bis'é, hasi esei numa, pero kòrda ku ta bo mes lo mester laga drecha e bentana despues.

Hector a drenta via di bentana i e dia aki atrobe gòlpi i skòp a kai konrta i na e kurpa kompletu di Martina.

Hector Raphaëla ta un delinkuente resedivista kende tin sentensianan bieu pa e tipo di kasonan aki ku e mesun suidadano Martina riba su nòmber i wes a puntr'é kiko e ta bai hasi tòg serka e señora, siendo tin prohibishon pa nan tene kontakto ku otro.

Segun Hector Raphaëla ta Martina mes a provok'é.

Entre tantu a sosodé ku dia 27 di yanüari 2018 Hector a kana reis riba señora Martina den esaki su kurá di kas, bisando ku ta e señora ta provokando pa mas di 2 luna, awor ku e tin relashon ku un otro muhé.

Hector Raphaëla na e okashon aki tabata bou di influencia di droga i alkohòl, anto atrobe ela maltratá Martina, kende a kore bai serka bisiña pa pidi ousilio.

Rapòrt di Reclassering a trese padilanti ku Hector Raphaëla meresé tratamentu den Brasami, un training pa e siña baha su agresividat i prohibishon pa pasa kaminda Martina ta.

Hector Raphaëla ta un residivista ku kada biaha ta kometé e mesun aktonan kastigabel aki ku e mesun suidadano.

Fiskal mr. Guillano Schoop a demandá un kastigu di prizon di 36 luna di kua 12 luna kondishonal i un periodo di prueba muchu mas largu ku kustumber, esta 5 aña. Ademas Reclassering ta haña e enkargo pa atendé ku Hector Raphaëla.

Wes señora mr. Edelenbos a bai di akuerdo ku petishon di fiskal i a dikta e sentensia conforme e demanda.



Pa di tantu biaha

Jerrely Victor ta hòrta outo pa kria 11 yu

WILLEMSTAD - E siudadano Jerrely Victor di 39 aña di edat ta kontinuamente metí den ladronisia di outo. Ayera e tabata den sala di korte atrobe pa responsabilisá su mes. Jerrely Victor tabatin pa su defensa abogado mr. Uldrick Dickens.

Pa un total di 3 akusashon di ladronisia di outo Jerrely Victor mester a para den sala di korte ayera. Pa kuminsá ta asina ku dia 4 di yüni 2017 a señal'é ta hòrta un outo Kia Sportage di aña 2012 ku e plachi number N46-59 riba tereno di stashoná outo di ACU. E imágennan di vidio di ACU a konfirmá Jerrely Victor komo unu den akshon pa hòrta e outo.

El a deklará ku un tal Nolly a aserk'é i pag'é e suma di 500 florin pa hòrta e outo ariba menshoná. Mas aleu Jerrely Victor a atmití ku el a kometé e akto pa motibu di e situashon finansiero pésimo ku e ta pasando aden.

E siguiente akusashon kontra di Jerrely ta trata di un Suzuki Swift ku e plachi number K87-35 dia 22 di mei 2017. Polisnan a bin haña e outo aki na e adrès Oranjestraat 91. Riba e spil drechi di e outo a haña fingerprint di Victor.

Mas aleu segun e defensa hibá pa abogado mr. Dickens no por proba ku ta Jerrely Victor a hòrta e outo pasobra no tin prueba ya ku no a haña ningun otro señal na kurpa di e vehíkulo es desir nada na e portanan, anto ni tampoco paden di e outo.

Sí e akusado Victor a rekonosé ku el a hisa e bateria di e outo duna un bisiña ku yama Bianca. E último kaso kontra Jerrely ta trata di un Kia Rio ku e plachi di number J 9-28 ku ta pertenesé na e suidadano di fam Damasco. Tabata dia 13 di òktober 2017 ku Damasco a hasi denunsia ku a hòrta su outo.

E outo aki a bin resultá den kurá di un tal 'Ali', pero polisnan

a detené Randel komo e supuesto ladron di e vehíkulo. Riba e pregunta di polisnan si ta Jerrely Victor a hiba e outo hòrtá na kas di Ali, esaki a kontestá ku e tin miedu pa duna un kontesta pa e no hañ'é konfrontá ku represaya.

Mas aleu Jerrely a atmití ku, siendo na kas di Randel, na momento ku dos persona a presentá ku e outo hòrtá, Ali a pidié pa stür e Kia Rio pretu hiba na kas di Ali. Enfin, no a sali na kla ken a hòrta e Kia Rio pertenesiente na Damasco.

Den e barío Monte Verde na kas # 26, polisnan a tene redada i a bin reis riba vários piesa hòrta, esta koplamp di e Kia Sportage, un stürwil i mekanismonan di stür ku ta pertenesé na e Kia Rio.

E ta un residivista, kende tin 11 yu pa kria, komo tal ta den situashonnan finansiero pèrtá konstantemente i abogado mr. Uldrick Dickens a uza e tipo di argumentunan aki pa lanta kompreshon pa su kliente.

Abogado mr. Alicia Blonk a entregá petishon pa daño i perwisio na nòmber di e doño di e Kia Sportage i korte a bai di akuerdo ku un suma di alrededor 22.000 florin.

Tambe a stipulá ku Jerrely Victor a hasi su mes kulpabel pa ladronisia di e bateria di e outo Suzuki. Doloroso ta e situashon di Damasco, pa kua ainda no a logra establese ken a hòrta su outo.

Esaki ke men ku Damasco simplemente ta sali pèrdí di su vehíkulo sin ningun posibilidat pa kobra daño i perwisio. Wes mr. Edelenbos finalmente a kondená na Jerrely Victor na un kastigu di prizon di 16 luna inkondishonal i pa pago di daño i perwisio na rason di e suma di 22.000 florin na doño di e outo Kia Sportage, hòrtá riba tereno di stashoná na ACU.

Den e promé 4 lunanan di aña

Turismo a produsí 389 mion florin pa nos ekonomia lokal

WILLEMSTAD – Durante e promé 4 lunanan di aña 2018 un total di 60.525 turista hulandes a keda risibí kual ta un kresementu di 9%. Aña pasá e mesun periodo e kantidat risibí tabata 55.466. For di Estádos Unídos un kresementu di 10% a keda registrá pa un total di 23.326

turista durante yanüari te ku aprel 2018. Aña pasá e mesun periodo 21.209 turista di estadia a bishitá nos pais. Canada tambe a presta bon. Canada a registrá 3% kresementu pa un total di 11.748 turista di estadia durante e promé 4 lunanan di aña.

Corso



Tratamentu di kaso di Jurandy T. no a kontinuá

WILLEMSTAD - Dia 25 di mei tabatin programá tratamentu di kaso di Jurandy T di 23 aña di edat, pero e kaso no a sigi. Jurandy ta sospechá di a drenta un kas na Nieuwpoort dia 23 di yanüari 2018 i a hòrta un of mas bòks pa fria kos, un of mas microwave, un of mas pintura, un of mas ventilador, un of mas bòter di bebida alkohóliko, un of mas muebel antik, un of mas mesa di prònk.

Ta trata di propiedat di e suidadano E. Jesurun. Remarkabel ta ku ni fiskal ni wes no a bisa pakiko tratamentu di e kaso no a kontinuá ayera i of ki dia sí esei lo ta e kaso. Mas remarkabel ainda ta e hecho ku Jurandy personalmente, ni su abogado no tabata presente.

Un detencion pa maltrato

WILLEMSTAD - Diabièrnè 25 di mei 2018, alrededor di 20.00 or, Central di Polis a dirigí un patruya na un cas den área di Montagne Abou pa un caso di maltrato.

Na yegada di e patruya n'e sitio e dama víctima a declará na Polis cu e tabatin un discusion cu su yiu hòmber.

Dado momentu nan a cuminsa bringa cu otro y e yiu a maltrata su mama.

Relacioná cu esaki Polis a detené n'e sitio e hòmber sospechoso **N.J.K.M. nacé na Còrsou di 18 aña di edad**, p'e maltrato ariba mencioná. A presentá e sospechoso dilanti di un Fiskal auxiliar.

Konvenio di koperashon entre Klinika Capriles i FMA



WILLEMSTAD - Na mart di e aña aki, Klinika Capriles i FMA a akordá un protokòl ku meta pa traha riba logra ku pa 1 di yüni 2018 nan respetivo fasilidatnan “Un Mihó Mañan” (UMM) i “Dios Yudami” ta físikamente ubiká na ún lugá i ta kombiná den sentido organisatorio. Esaki awor a resultá den un kovenio di koperashon ku ta realisá e bai-mentu huntu aki.

Konkretamente esaki ta nifiká ku UMM ta desplasá su kuido pa e lokalidat di Dios Yudami. For di aki, UMM lo ofresé tratamentu den dia i akoida di anochi na klientenan di Klinika capriles. Dios Yudami ta mantene su funshon aktual di sentro habrí pa klientenan di FMA.

Den fase mas despues lo ofresé akoida di anochi na klientenan di Dios Yudami tambe.

Ámbos partido ta di opinion ku union di e fasilidatnan por trese benefisio konsiderabel kune, entre otro un efektividat mas haltu di e organisashon di kuido, habrimentu di posibilidatnan nobo pa akoida di anochi pa klientenan di Dios Yudami, hasi mihó uso di otro su ekspertisio riba tereno di tratamentu i guiamentu di kliente i realisashon di un oferta di tratamentu i guia ku ta pas mas ku e kliente.



Cumana #44 Tel: 586-4444 / 733-2906
E: royalfuneralhome@hotmail.com / 593-0857 / 731-5847

Gradicimento y invitacion

Un danki di curason na tur hende cu a mustra nos atencion, cariño y a compañía nos na despedida y entierro di nos ruman Tita stima



Tambe nos ta invita pa 3 santo sacrificio di misa, diamars 29 di mei y diasabra 2 di juni na kapel di madiki pa 6'or di atardi y diamars 5 di juni pa 5.30 di atardi na kapel di Alto Vista.

Bebe, Sofia y sobrinonan

Sosega na paz Tita, pa asemper lo bo ta den nos curason



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia cu a fayece:



Dolores Silvestre

*01-04-1955 - †25-05-2018

Acto di condolencia y despedida lo wordo anuncia despues.

Den Noticia

Noticia directo y confiabel.

Presenta tur media di 12'or pa 1'or

Cu Victor "Toko" Winklaar
y Alexa Werleman

na G-FM Galactica 99.9



SBTNO a 'bòm' candidato di Minister Camelia na Selikor

WILLEMSTAD - E consehero oficial di gobiernu riba tereno di Corporate Governance a 'bòm' postulashon di señor Jaime Francisco komo candidato di minister Camelia pe bira presidente di hunta di komisario na Selikor.

No simplemente bòm e, pero e tin argumentonan serio pa rekomendá e minister pa no nombra Jaime Francisco.

Pa regla consehero di gobiernu ta chèk si e nombramentu ta kuadra ku statuton dje kompania i demas regla.

Dia 18 di aprel ultimo Minister Camelia a manda e proposishon pa mr. de Palm ku mayoria di dokumentonan korespondiente pero no a motivá e candidatura di Francisco.

O sea, e minister no a menshoná 'pakiko' e ke nombra Francisco i ki eksperto e ta riba kua tereno.

Solamente ku e ta bon candidato pa ta presidente pero nada mas.

Di otro banda ningun dje komisari-
onan aktual tin un sierto spesialidat manera statuto ta eksigi, sea ta huridiko, komersial of tékniko.

Mr. de Palm a pidi e datonan aki promé ku 10 di mei ultimo i a hañ'é dia 9 di mei.

Pa kada komisario tin eksigensha pa loke ta su spesialidat. Pa ta presidente, kualke komisario ta bin na konsiderashon.

Aktualmente e hunta di komisario ta konsisti di sra. G.C. Gibbs eksperto riba tereno finansiero i komersial i e

ta baha otro año.

Señor R.F.Z. Tromp komo eksperto tékniko ku ta baha otro año.

Sr. K.A. Brooks, vise presidente i eksperto tékniko kende ta baha otro año.

Sr. A.F. Sedney, eksperto tékniko kende ta baha na 2020.

SBTNO a konstatá ku no tin vakatura pa yena aktualmente pero aparte di esei atrobe e minister no a manda bisa ta ki funshon e tin ku bai okupá den e hunta.

Den su kurikulo tin ku e tin preparashon di ICT siendo ku no tin di haber ku medio ambiente, kimiko of mekaniko ku ta loke nan mester.

Pa kolmo tin tres eksperto tékniko kaba den e hunta i loke falta ta un hurista.

Pa kolmo tin un komisario registrá pero su periodo a kaduká for di 2016 i e ta registrá ainda na Kamara di Komersio.

No tin un rooster di retiro pa evitá ku hopi komisario tin ku baha pareu i na Selikor den segundo kuartal di otro año sinku komisario tin ku baha 'en bloc'.

SBTNO no por duna su Buena Pro na nombramentu di señor Francisco pero ta rekomendá gobiernu pa hasi su huiswerk i regla e registro di Kamara di Komersio mas pronto posibel.

Awor, minister por pone tur e argumentonan aki un banda i nombra Francisco tòg pero si esei ta Good Governance, ta sumamente dudabel.

Rest In Peace



"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

A fayece inesperadamente:



Candido Boekhoudt

Mihor conoci como: "Candy"
*01-12-1941 - †25-05-2018

Na number di su:

Esposa: Ramona Boekhoudt-Kelly

Yiunan:

Julisa y esposo Juan Carlos Ramirez-Boekhoudt
Carlos Boekhoudt

Nietanan stima: Jesslyn Boekhoudt
Jazmin Ramirez

Rumannan: Chefa Kelly y familia
Chanita y Poli Hernandez y familia
Marthilda Paskel y familia
Florita y Nene Kock y familia
Buchi Boekhoudt
Juanita Boekhoudt
Celsa y Donny Tjen-A-Kwoei

Swa y cuñanan: Nicomeda Boekhoudt-Ruiz
Nestor "Nene" Henriquez
Graciela Kelly

Maximon y Ramona Kelly-Geerman
Maria Kelly
Filomena Kelly
Salvador "Loy" Kelly
Justina y Juni Tromp-Kelly y yiunan
Mario y Lilian Kelly-Hellement y yiu

Ihanan: Mario Kelly, Francella Boekhoudt, Rosanne Tromp y demás ihanan

Subrino y subrinanan na Aruba y Hulanda, primo y primanan, su amigo y amiganan, bisiñanan y demás conocirnan, Grupo Mariachi Campesino, demás grupo di mariachinan, caha di orgelnan

Demas familia: Boekhoudt, Kelly, Ramirez, Thiel, Hernandez, Paskel, Kock, Tjen-A-Kwoei, Ruiz, Henriquez, Tromp, Hellement, Rozenberg, Croes, Donata

Ta invita tur conocirnan pa e acto di condolencia y despedida cu lo tuma lugar diaranson 30 di mei 2018 di 2'or pa 4'or di atardi na Aurora Funeral Home, despues cremación lo tuma lugar den seno familiar.

Nos ta pidi nos disculpa si den nos tristeza nos por a lubida un of mas familia.

Nos ta lamenta cu despues di entiero nos no por ricibi bishita di condolencia na cas.



Señor ta mi wardador, mi'n tin falta di nada,
den cunucu di yerba berde E ta pone mi sosega. E
ta hiba mi na awa trankil, pa mi bolbe haya forza.
Salmo: 23.1



Ciro Emmanuel Tromp

Mihor conoci como "Ciro"
*30-7-1957 - †17-04-2018

Na number di su:

Mayornan: †Ramon. H. Tromp
†Sebastiana "Alejandrina" Tromp Werleman

Rumannan: †Juan Tromp
Benjamin "Benny" Tromp
Filomena y Fransisco Quandus-Tromp y Famia
†Ramiro Tromp
Lourdes Tromp y Franklin Martinus y Famia
Sobrino (a) nan: Xiomaira Quandus
Milanchela y Eldridge Wolff-Quandus
Govan Quandus y Jennilaine Ras
Jullysses y Jenny Tromp-Law
Shylpa Tromp y Alex Erik Ridderstap
Josue Tromp y Angie Tangarife

Sobre-

Sobrino (a) nan: Dustyn, Justen, Joshua, Julyxon,
Shylzienne,

Shynaily, Julius, Shykaidy-anne

Omo y Tanta nan, ihanan, primo y primanan.

Bisinja y amigo (a) nan:

Magarita Roza y familia, Ligia Roza – Croes y familia

Ex colega nan di Holiday Inn.

Di su padrino (a) nan: † Nicasio Roza

Efrain Giel

†Teresita Tromp

Famia: Tromp, Werleman, Quandus, Martinus,
Wolff, Ras, Law, Ridderstap, Tangarife, Gonzales,
Eckmeyer, Bermudez, Henriquez, Donata, Dijkhoff,
Ruiz, Luidens, Jacobs, Franken, Wolf, Schonerr,
Roza, Giel, Geerman, Flanegin, Maduro, Croes,
Farro, Vrolijk, Riderstaat, Figaroa.

Acto di entiero lo tuma lugar, Diaranson 30 di Mei 2018. Pa 4or di atardi saliendo for di Misa Sta. Anna na Noord pa Santana Catolico di Noord. E restonan mortal di Ciro E Tromp lo ta reposa for di 2'or di merdia den misa St. Anna Noord.

Disculpa den nos tristesa nos por a lubida un o mas familia.

Nos ta lamenta cu despues di entiero nos no por ricibi bishita di condolencia.

Enbes di krans of flor nos ta desea donacion pa un bon cuasa.



"Jesús llama a los que quiere
Y a quienes tienen el corazón dispuesto."

Cu inmenso tristeza yiunan y rumannan ta participa fayecimento cristianamente di:



Willem Richard Webb

(Richard, Sha)

Naci: 26-12-'53 Fayeci: 24-05-'18

Na number di su:

Yiunan: Kendrick Webb y Jazlin Boekhoudt

Andreina Webb

Nieto: Jelvin Tromp

Mayornan defunto: † Francisco y Presentacion Webb-Croes

Rumannan: Vda. Maria Maduro-Webb y familia Jacinto Webb

Marcelo Webb, esposa Chimina y familia
Catharina Tromp, esposo Ramiro y familia
Telma Webb, Franklin y familia (Hulanda)
Pina Webb (Hulanda)
Irma Webb y familia (Aruba y Hulanda)
Roque Webb y familia (Hulanda)
Tico Webb y esposa Viviana

Famia di rumannan defunto:

† Engracia Vrolijk-Webb
† Isidelia Webb
† Simon Webb
† Benoit Webb (Puerto Rico)
† Rita Kelly-Webb

Swa: Manuel Kelly y yiu

Bon amigonan: Joy Tromp y familia
Tico Tromp
Boy Dirksz y familia
Gregory Sanchez y familia
Johnny Wever y familia (Bonaire)

Mama di su yiunan: Aura Dirks y familia

Sobrino y sobrinanan, primo y primanan, su comer y comper, amigo y conocirnan, su coleganan di Caribbean Palm Village y demas familia: Webb, Croes, Maduro, Tromp, Kelly, Geerman, Franken, Koolman, Panneflek, Kock, Dirksz, Ponson, Moseley, Thijsen.

Si nos por a lubida cualquier familia, nos disculpa.

Ta invita na e acto di entiero Sha, cual ta tuma lugar diamars 29 di Mei na Aurora Funeral Home di 2'or – 4'or atardi, saliendo despues pa Santana Catolico na Savaneta.


Adres pa condolencia: Aurora Funeral Home – dialuna 28 di Mei for di 7'or – 9'or anochi.

Despues di entiero nos ta lamenta di no por ricibi bishita di condolencia na cas.



Lo tin di dos buelta presidencial na Colombia:

Ivan Duque y Gustavo Prieto ta keda den e contienda presidencial



IVAN DUQUE, candidato di e Partido Centro Democrático, a lidera e eleccion presidencial ayera na Colombia, cu e 99,03% di e votonan conta den e preconteo realisa pa e Registraduria di e pais, pero e no a haya mayoria pa evita un di dos buelta.

Na di dos lugha ta aparece Gustavo Petro, di e coalicion di e Grupo Significativo Colombia Humana y Movimiento MAIS, kende lo avansa na e di dos buelta. Stem lokalnan na Colombia a cera exactamente 4 pm ora local, den loke a bira un dia electoral cu a transcuri cu “trankilidad y normalidad”, segun e Minister di Defensa di e pais.

“E rapport cu mi a haya for di e diferente comandantenan ta di trankilidad y normalidad den e funcionamiento di e dispositivo electoral”, tabata parti di un comunicado cu a keda publica di parti e Minister di Defensa Luis Carlos Villegas, net prome cu a clausura e proceso di voto.

E Minister a sigura cu den materia di cyber siguridad Gobierno ta mantene den funcionamiento un dispositivo di respuesta na e tipo di incidentenan aki.

“Den materia di cyber siguridad nos lugha Unificado tambe ta sigui den funcionamiento pleno. Mi a wordo informa cu nos ta siguiendo rond di 500 incidente pa ora, evalua y debidamente mitiga pa e plataforma. E plataforma aki a haya mas o menos 150 miyon peticion cu a keda administra pa e sistema sin ningun alteracion”, el a bisa.

Mas di 36 miyon di Colombiano ta ablitia pa vota pa elegi e Presidente y Vice Presidente nobo di e pais, kendenan lo goberna pa 4 año. Den total a instala 96.724 mesa di votacion den e teritorio nacional, como tambe otro 1.500 na 69 pais pa e voto di e Colombianonan den exterior. Mas di 185.000 miembro di e Forsa Publico a keda desplega na e pais pa asina garantisar e siguridad di e proceso electoral di ayera.

Llamados a votar

E Presidente saliente di Colombia, Juan Manuel Santos, a haci un yamado na e ciudadanonan pa participa den e eleccion. Despues cu e mes a vota poco despues di e apertura di e urnanan, pa 8’or di mainta, Santos a bisa:

“Awe ta un dia hopi special pa Colombia, pa nos democracia”, segun un comunicado di presidencia.

“Sali bay vota pasobra nos kier pa esaki ta e eleccion cu mas participacion den historia na Colombia”, e Presidente a bisa segun e comunicado.

Di su banda, e ex Presidente Alvaro Uribe, predecesor di Santos, tambe a vota na Bogota.

“Mi a vota cu afecto pa Colombia, mi a vota pa Ivan Duque... Su conviccion democratico, conviccion di ekidad, mi a vota cu admiracion pa su firmesa, e mescla ey cu ta asina dificil y asina importante; mi a vota pa Marta Lucia Ramirez cu ta representa e miho balornan di e hende muher Colombiano”, e ex Presidente a a declara despues di a vota.

Di su parti. E lider di FARC, Rodrigo Londoño, alias “Timochenko”, a haci uzo di Twitter pa informa cu el a vota pa prome biaha. “Pa prome biaha mi ta haci uzo di mi derecho di voto. Mi ta invita boso na participa segun boso consenshi den e proceso electoral aki”, el a skirbi.

E candidatonan a vota

Maske cu riba e carchi electoral tabatin ocho candidato, den realidad ta seis esnan cu a sigui den e contienda.

Ivan Duque, candidato di e Partido Centro Democrático –e movimiento politico di e ex Presidente Alvaro Uribe Velez–, a vota na Bogota.

“Awe ta un dia hopi special pa nos pais. Awe nos a bin pa cumpli cu e democracia Colombiano y mi ta sintimi honra di yega e eleccion aki e eleccion aki como representante di un generacion nobo di Colombiano cu kier goberna cu tur hende y pa tur hende. Mi kier goberna Colombia sin spiel pa mira den reverse, mi kier goberna mirando pa e futuro di nos pais”, el a bisa e reporteronan.

Pa loke ta Gustavo Petro, candidato pa e Coalicion di e Grupo Significativo Colombia Humana y Movimiento MAIS, a bay vota hunto cu su yiunan den un centro di votacion na Bogota.

“Nos semper a pusta pa trankilidad, pero na vigilancia. Pa un ciudadania activo, no pasivo, un ciudadania cu sa cu e ta e berdadero propietario di Colombia y niun hende mas ni algo mas. E yamada ta pa Sali vota den masa”, el a bisa.

Humberto de la Calle, candidato pa e Coalicion Partido Liberal Colombiano-Partido Alianza Social Independiente, tambe a papia.

“Nos a vota cu gran entusiasmo. Ban pasa pa e di dos buelta. Mi ta probecha pa bisa esaki: Mi no tin ningun aliansa pre fabrica cu un movimiento politico. Tin specualcion riba esaki, no”.



AWEMainta

#1 Online

Completamente
DIGITAL

**Ricibi AWEMainta
tur dia den bo inbox**

Manda bo E-mail na noticia@awemainta.com

**Haya noticia y edicionan di
AWEMainta riba nos website**

www.awemainta.com

Like nos riba Facebook

www.facebook.com/awemainta